

C V D

A I G C

1 6 9 9

D. 4. 44

~~20 20~~


20 a

g. 2 g. 4/10
~~20~~ 199. X

2 Etliche Historien. 9
Von des ietzigen Groß
fürsten inn der Moscha Johan.
Basiliadis grausamer
Tyranny.

* *
*
Aus der beschreibung Sarmatiæ Europæ Alexandri Gua-
guini gezogen vnd verteutsche.

Mitt einer Vorrede.



✦ B & D ✦

Getruckt in der Key: freyen Reichstatt Speir/
Bey Bernhard Dalbin.
M. D. LXXXII.

Handwritten text in a Gothic script, likely a title or introductory passage, appearing as a mirror image.

Handwritten text in a Gothic script, appearing as a mirror image.

Handwritten text in a Gothic script, appearing as a mirror image.



Handwritten text in a Gothic script, appearing as a mirror image.

M. D. LXXII



Vorrede Ahn Den Christlichen vnd guchertzigen Leser.



Die Volcker / welche
Moscowiter genennet werde / kom̄en
ohn allen zweiffel / von Mosoch wels
cher der sechste Sone Japhets gwe
sen her / Gen. 10. vnd heisset Mosoch
vff Deutsch / einen Schützen / odder
der sich ahn ferne orter aufstreckt.
Moscowia aber / ist ein Griechisch
wort / vnd heist hultene hütlin die sie inn irer sprache Mos
synos nennen / vnd vff wagen mit sich fuhren / wie denn
Apollonius in Argonauticis lib. 2. von inē schreibt / Diesel
bige volcker wiewol sie erstlich nahend ahn Schytischē Pō
ro Euxino, in Asia ahn wasser Thermodonte hinab gewo
hnet / da hernach die Cappadoes sich hin gesaget: Sind sie
doch hernacher mehr gegen mitternach gezogen / vnd vmb
die grosse wasser Rha / vnd Tanais / bis ahn den Sinum
Benedicum / (da heutiges tags die Mosca / Liefland / vnd
weiß Keussen ist) gewohnet / Werden aber Moscowiter ge
nant von der furnemsten hauptstadt darinnen Mosca / odder
von dem wasser Moscha / darbei disse Statte erbawē ist / wie
Volatteranus meinet / Es ist aber ie vnd allwegen ein wild /
boses volck gewesen / wie bemelter Apollonius die alten
Mossinoecen beschreibet / vnd der Königlich Prophet Da
uid auch Ps. 120 / daer sprich: Wehe mir dz ich ein fremde

Vorrede

ling hin vnder Mesech / zuuerstehen gibt / Denn ob er wol ahn denselbigen orten nicht gewesen jedoch die weil er sich in denselbigen Ps. beklagt vber die vnbilligkeit der höfing houe erstlich ahn Sauts / darnach auch ahn seinem eignen / darumb er dann nicht allein von Jerusalem sondern auß dem ganzē Jüdischen Königreiche hat weichen müssen / als inen sein sohne Absalon veruolget / vnd sich zu den heiden / vnd abgöttischē völkern begebē / Damitt er nuhn ahn zeigete vnd zuuerstehen gebe die höchste beschwerung / so er deshalb hatte / vergleicht er dieselbige heiden / bei denen er inn seinem elende wonen muste den Moscouitern vnd Arabern dz ist / den Turken / als welche auch zue seiner zeit für die ergeste / vnd böseste leute sind gehalten worden / Also nennet sie auch Lucanus lib 3. Sauros Moscos / Von denen haben sonder zweifel die ickige Moscowiter ire wilde / vnd rohe sitten / noch zum teile behaltē / vnd halts dafur / dz kaum ein schandlicher wilder volck vnder der sonnen lebe.

Vnd ob sie wol im iare nach Christi geburt 987. den Christlichen glauben haben ahngenommen / vnd sich berühmen / dz sie denselbigen auch lang zuuorn / von dem Heiligen Aposteln Andrea entpfangen / Hat doch solcher durch aberglauben / vnd vielfaltige abgotterei hernachmals dermassen abgenommen / daß der bei inen mehrer teils ganz vnd gar verloschen / vnd wegen ger geossen Tyranny ires fürsten halten sie allein für recht / vnd wahre / was derselbige glaubt / vnd gebeut / so es auch schon ganz gotlose / vnd ohnerbar ist / wie für zeiten die zue Athen ein Decret gemacht haben / Dz alles was dem König würde iederzeit belieben / daß auch das selbige sollte für göttlich vn billich von menniglich geachtet / vnd dem nachgesagt werden.

Wie

Vorrede.

Wie nuhn inn dissen letzten zeiten alle bosheit bei allen volckern! vnd inn allerlei stenden vberhand pflegt zunemen! Als dann vnser herr Christus / vnd die Heiligen Apostel solchs zuuor verkundiget haben! Also hat auch sonderlich bei dissen volckern mehr als anderen / weil sie auch zuuorn als le andere mitt grausamheit / vnd bosheit vbertroffen haben gewaltig zugenommen! D; sie die Heilige kirchen Gottes / nach der Prophecei / vnd weissagung der H. Propheten Dauids Psal. 120. Ezech. 38. vnd 39. Item Apocal. 20. ahngefochten / vñ zubeforgen / wo wir vns durch Busse von vnsern sünden zue Gott nicht werden bekeren! Das nach solchen Propheceien / wir / odder vnser nachkommene vnder iren gwalt / duch Gottes verhengnis kommen möchten / vñ also frembdling / vnder Mesech / vnd Redar sein müssen.

Deßwegē hoch von nöten / d; dissier volcker grausamkeit menniglichen / besonders aber der iugend / vnd gemeinem volck ahngezeigt / vnd bekandt gemacht werde! Damit sie sich darüber entsetzen / vnd furchten / vnd dieweil ungezweifelt Gott dadurch verachtung seines worts / vnd vndanckbarkeit dagegen / darnach ein rohes sicheres wesen / vñ leben / so darauß entstehet / tuch straffen! (Wie dan den Liestern dern geschehen / welcher obern ehe sie inn der Moscowiter dienstbarkeit geraten / nicht geringeren muthwillen / vbermuth / trutz / vñ grausamkeit gegen das arme bawers volck als der Moscowiter selbst / gewbt / vñ getrieben haben.) So sollen die prediger vnd lehrer / mittermahnung zur busse / vnd trewer warnung für Gottes zorn / vñ straffe vleißig / vnd embsig sein.

Die obrigkeiten / fürsten / hern / vñ der adel / für sich selbs von solchen sünden abstecken / Gottes wort / Christliche zus

Vorrede

chte/erbarkeit/gerechtigkeit vnd tugend/lieben/pflanzen/ vnd
handhaben/ Die vnderthone aber/solchen trewen vermahn-
nungen vnd ordnungen folgen/vnd gehorsamen/ Endlich
Gott samptlich trewelich/vnd vleissig anrufen/ vnd bitten/
daß er vns bei seines namens wahrer erkandtnus guedigli-
chen erhalten/vnd fur der Türcken/vñ Moscowiter gottes
lösterung/vnd grwsamkeit bewahren welle.

Diweil auch disses ickigen Tyrannen inn der Mos-
cha (Wie auß dissen wenig Historien inn dissem buchlin
verzeichnet So er gegē seine eigne blutsuerwandte/freune
thiener/ vnd vnderthone/ gewbet/ dero sonsten mehre kunds-
ten erzelet werden/ vnd inn der histori von der Polen vnd Lis-
essendischen kriegē ahngezeigt sindt/ zusehen (Aller Tyrā-
nen dero von Poeten/vnd Historischreibern von alten/ vnd
gegenwertigen zeiten meldung geschicht/vnd gedacht wird/
als Neronis/ Caligulae/ Heliogabali/ Maximini Phalaris
Agrigēni/ Busiridis/ Mezentii/ dessen von Gwise zu Was-
sei/ vnd die lanienam zu Parise/ vff der hochzeit ahngestalt/
vbertriffet/ Vnd sichs ahnschen lasset/ daß er/ sampt seinem
Sohne (Welcher sich denn nach dem vatter ahrtet) mehr
Monstra/ daß ist/ vngewere thier/ als menschē/ vnd verder-
ber vnd pestes deß menschlichen geschlechtes/ seien.

Solchen aber zu widerstehen Gott zu dissen zeiten auß
sonderlichē gnaden den Durchleuchtigsten vnd großmech-
tigsten fürsten vnd König Stephanum/ König in Polen re-
erwerckt/ Sollen pillich die vom Adel/ so sich zum kriege be-
geben wollen/ widder solchen feinde/ sich gebrauchen lassen/
damitt seiner Gottes lösterung vnd Tyranei gestewret müs-
siger werden/ Dann sie ihe solchs mitt besserem gewissen/ auch
mehrern ruhme/ vnd ehren thun kunden/ denn daß sie sich et-
wa

Vorrede

wa vmb grosses gewins willen inn solcher herren dienste be-
geben/welche planzung vnd bestetigung offentlicher abgöts-
terei/ aberglaubens/vnd menschen saktionen/hingegen vns
derdruckung vñ vertilgung reiner lahre/rechten gebrauchts
der Heiligen Sacramenten/neben Zerstorung guter sitten/
zucht/vñ erbarkeit/verwustung alter löblicher Stedte/dero
guter polliceien / vnd gemeiner Deutscher nationen/ vnsers
aller libsten vatterlandes freiheden/ suchen/vnd begeren.

Der barmherzige ewige Gott welle vmb seines Hei-
ligen nahmens willen inen ein solches vber vns nicht ver-
hengen/ vñ vns sampt vnsern nachkomlingen
bei seinem wort/ vnd freiheden vnsers vat-
terlandes/gnediglichen erhalten/
vnd bewahren/

Amen.

* *
*

X 4

[Faint, illegible text, likely bleed-through from the reverse side of the page.]



1
Von des ietzigen Großfürsten inn der
Moscha Johannis Basiliadis
grawfamer Tyrannei.

Cap. I.



Er itzige Großfürst
inn der Moscha Ioannes Basilia-
des vbertrifft mitt Tyrannei alle
fürsten durch die ganze welt. Denn
er helt alle seine vnderthonen gleich/
er sei geistlich/odder weltlich/ Herr/
Edel/odder bawr / vnnnd geht mitt
inen seines gefallens vmb/ Es darff ihm auch niemand/weñ
er schon groÙe vnbilligkeit übet einreden. Dann alle seine für-
sten vnnnd Rätthe/die von der ritterschafft/vnnnd Geistliche/
müssen sagen/vnd bekennen alles was irem fürsten gefellet/
solchs sei Gottes wille/ vnd was er thue/wie vnbillich auch
solches ist/das sei nach dem willen Gottes gethon. Darumb
sie inen auch für Gottes Kammerring/vnnnd executorn des
willens Gottes halten. Der fürst pflegt auch / so etwa die
fürsten/vnd Rätthe ahn inen eine bitte thun/Zu antwortent
Wann es Gott will/odder so es Gott werde gefallē/so welle
ers thun/vnd wenn manneinen Moscouiter vmb etwas fras-
get/gibt er zue antwort. Das weis Gott/vñ der groß fürst/
odder Gott hat es also haben wellen/vnnnd der groß fürste.
Wenn sie auch in zechen bei einander sitzen/ vnnnd einer dem
andern eines bringen will/wunschen sie irem fürsten glück
vnd heyle/vnnnd erzelen seine titel/vnd trincken vff seine ges

2

sundheit. Da er auch schon etwas dem Reiche/ vnd dem Lande ganz nachtheilig/ vnd schädlich begangen hette/ müssen sie es rühmen/ vnd sagen/ wie solchs ganz wol gethon/ vnd dem Land sehr nutzlich/ vnd heylsam sei.

Seinen Schwögeru/ vnd verwanten gibt er keine Schlößer zum eigenthumb/ odder die zuerwalten ein/ sondern setzet Leute nach seinem gefallen daruff/ vnd wann er vff einen ein vnwillen geworffen/ stößet er inen widerumb dauon.

Auß gemeinen schlechten Leuten macht er Eddelleute/ Pfaltzgrauen/ vnd Rethen/ nach seinem wolgefallen/ vnd auß denselbigen hernach widerumb bawren/ Desgleichen handlet er auch mit den Erzbischoffen/ Bischoffen/ Apton/ vnd Priorn inn den Klöstern/ welche er seines gefallens wehlet/ vnd absetzet/ Summa iedermann muß vnder seiner dienstbarkeit sein.

Dieweil aber der Moscouiter volck er lieber sind vnder der dienstbarkeit/ denn der freiheit/ leset es sich gleich so ahnsehen als wenn inen recht gesche/ daß sie solche Tyrannen müssen haben/ Denn inn dem selbigen Lande pflegen gemeinlich die knechte wenn si von iren Herren/ vnd die weiber/ so sie von iren mannenn/ wol abgeschmiret/ vnd geblewet werden/ solchs für eine sondere libe/ vnd gnade zu rechnen/ vnd wenn sie nicht geschlagen werden/ meinen sie daß solchs ein ahnzeigung sei großer vngnad/ vnd feindschafft/ vñ beclagen sich derhalben.

Solchs thun nicht allein der gemeine mann/ sondern auch die vom Adel/ vnd fürstliche Rethen/ denen es kein schande ist/ wenn sie schon öffentlich/ odder heimlich/ auß beuelche des fürsten mit brugeln abgeschlagen werden.

Darumb wenn sie wol abgeblewet sind/ sagen sie dem fürsten

3
Fürsten danck /sprechend/ Herr König/ Gott welle dir gsund-
heit/ vnd langes leben verleihen/ daß du mich deinen knecht/
vnd batoren/ hast lassen züchtigen Hieraus erscheinet daß sie
einen solchen König haben / wie ire natur erforddert gleich
mann sagt von den fröschen so einen storck Zum König bes-
kommen haben.

Es ist aber diser iezige Fürst Ioannes Basiliades/ nicht
allein allen anderen seinen vorfahren / so nach gewonheit
derselbigen völk er sich verhalten / mit grausamheit vbers-
legen/ Sonder allen andern Tyrannen so seit der geburt
vnseres Herrem Jesu Christi biß vff diße zeit gewesen sindt/
als Nero Valerianus, Dionysius, Decius, Maximinus,
Iulianus, vnd die andere allzumal.

Denn ob wol dieselbige allzumal vielmals grausam-
me Tyranei geübet / ist doch solche etwas leids-
licher gewesen/ dann dises Tyrannen/ wels-
che er inn kurzer zeit bald vff einander
gewbet hat/ wie ich hernacher
ohn falsch/ glaublich/ ers-
zelen will.

* * *

2

4

Von ahnfange der Tyranny des
fürsten der Moscowiter Joann
nis Basiliadis.

Cap. 2.

Warenach der geburt
vnsers herren Iesu Christi / tausent /
funfhundert / vnd sechzig / als er das
Schloß / vnd Stadt Poloczko von
den Liestendern erobert / ist er wegen
solches glucks vnd victorien vber
muthig worden / vnd als bald dar
nach getrachtet / daß er das jhenige /

so sein vatter vnd großvatter ahn gefangen / möchte zum ens
de bringen. Nemlich daß er alle fürsten / vnd andere Herren /
von land vnd leuten / vertreiben / vnd ire festungen / vnd hers
schafften möchte einnehmen. Endtlich alle von alten ges
schlechten redliche noch vberige menner / so seiner tyranny
zuwider / ombringen künfte / Hat also solches morden ahn
einem fürtrefflichen mann Dweziniuo Demetrio / des
Dweziniini für zeitten seines vormunders / der im Schloß
Staroburg gefangen worden / vnd zue Vilna inn der Lidz
daw hauptstadt / inn der gefengnus gestorben / sohne ahnge
fangen / vff nach folgende maß.

Erstlich hat er inen als wenn er es mitt ihm guth meinet
zum nacht imbes geladen / vnd vnder dem sie einander zus
getruncken / ihm ein groß trinck geschirre voll honigs laßen
fürs

5

fürsehen/dz er solches vff des Königs gesundtheit/(wie bei
inen der brauch/) solte austrincken vff einen truck. Dieweil
er aber schon trincken ware/vnd solchs geschirr kaum halb
austrincken fundte/ Hat der groß Herzog ihm verwiesen/
er sei trewloß ahn ihm/vnd gesagt. Thüst du allso deinem
herren alle glückselige wolfarth wünschen / vnd hast inen
nicht mehr libe. Dieweil du dann allhie nicht hast trincken
wellen vff meine gesundtheit/so gehe hinen inn meinen keller/
daselbst du allerlei getrencke wirst finden/vnd trincke.

Der arm mann/so nuhn trincken ware/vnd vermeinte
der Herzogemeinet es mitt ihm guth geht hinen nach dem
keller mitt den ihenigen so da bestalt warē/daselbst inen omb-
zubringen/Welche inen auch als bald grawsamlich erstecke
haben.

Des andern tags (gleich als wenn er von dieser sache
nichts wuste) hat er inn sein hauß geschickt/vnd begerē laßen/
daß er zue ihm kommen/vnd mitt dem König zue nacht es-
sen welle. Hat sein haußfrawe geantwort / jr mann sei des
vorigen tages gehen houe zum nacht essen gangen / vnd
nicht wiederumb kommen.

Die fürnembste vrsach aber disses mordts ist gewesen.
Daß er wehnter grossfürste einen iungen knaben bei sich hat-
te mitt namē Theodorum/eines vom adel sohn/mitt wels-
chem er widder die natur pflage ohnzucht zutreiben mit dem
selbigen iungen/hat sich Dwizinus etwa verunwilliget / vñ
ihm vnder andern solche schande verwiesen vñ fürgeworff-
en mitt disen Worten. Du thienest mitt schandē vnserm für-
sten/welchem ich allezeit sampt meinē voraltern mitt ruhm/
vnd ehren dem gemeinen nutzen / vnd dem fürsten / zue gus-
tem/hab gethienet.

Diz hat dem iungen verschmehet/ vnd ist zue dem Herzog mit weinenden augen kommen/ ihm solchs geklagt/ von der zeit an/ hat der Herzog darnach getrachtet wie er Dwinin möchte vmbbringen.

Er hat auch vffsolche heimliche weise viel trefflicher/ vnd hohes standes menner mehr lassen vmbbringen/ Daz das wieder niemandt durffte muffen/ biß dz vff ein zeit der Erzbischofe/ vnd die andere Bischoue/ darzue die ganze Ritterschafft samptlich/ zue ihm gangen/ vnd ihm verwiesen/ was rumb er seine arme vnderthonen/ vnd so viel fürnehmer/ vnd trefflicher menner vnschuldiger weise also ihemerlich thue vmbbringen. Durch solche vermhannug hat er ein halbes iare sich gütiger vnd gelinder erzeigt/ Mittler weilen aber darnach getrachtet/ wie er möchte solche thienen/ vnd hofleute bekommen welche nach seinem Kopf vnd willen ihm helfen theten/ zue aller tyranney. Hat derhalben sich abgenommen als wölte er vom regiment abstehen/ vnd sein leben innruhe inn einem closter enden/ Aber seinen söhnen/ das regiment vbergeben/ Demnach vff gemeinem landtage aller stende/ gesagt. Sehet allhie habt ir meine beide söhne/ die rechte erben des landes/ so hinsurt das lande regieren sollen/ Denselbigen werden ir gehorsam/ vnd behulfflich sein das lande zubeschutzen/ vnd ein guth regiment abzurichten.

Da aber etwas wichtiges wurde furfallē/ solt ir darinnen meines Raths pflegen/ denn ich nicht weit von euch sein werde.

Daruff er als bald einen grossen plak nicht weit für der Stadt Moscha abgemessen/ vnd daruff ein heerlich hause mitt vielen gebewen vffrichten lassen. Nach dem solchs geschehen im hat er die fürnemste hause/ vnd schloß ganken
reichel

reiche/mitt allen iren einkommen/vnderm scheine/das er ein
 einsames wesen führen wölte / ihme zugeeignet. Hernach
 als solchs hause erbawet vnnnd mitt iarlichen einkom
 men vffs beste versehen/hat er vnder solchem schein / gleich
 als wenn er vom regiment abgestanden/vnnnd solchs seinen
 beiden söhnen vbergeben / einen grössen hauffen verruchter
 loser leute zue sich gezogen/die ihm zue seinem tyrannischen
 vorhaben thienen möchten/so er für wenig tagē alle redliche
 leute von alten geschlechten zuuertilgen / ihm fürgenom
 men/darzue alle amptleute vff den fürnemsten hewsern vmb
 zubringen / Schicket derwegen sechzig ohngefährlich von
 denselbigen seinen erabanten mit brieuen auß vff ein jedes
 schloß/die/als daß sie daselbst inn besatzung sein vnd pleiben
 aber vnderweilen den hauptmann des schlosses vmbbringē/
 vnd zu stück zerhawen solten vnd nicht allein solche fürneh
 me/vñ treffliche leute vmbrechtē/sondern alle dersel
 bigen verwandten/vnd brüder/Vff solche weise
 hat er die höchste/vnd fürnhemste geschles
 chte außgerottet/dieweil er ein ein
 sames leben geführet hat/ Dars
 nach hat er das regiments
 wiederumb ahnges
 nommen.

* *

* *

B 4

8

Wie der Hertzog von Kostowen vmb- bracht sei worden.

Cap. 3.



S hatte dieser Basili-
des das herzogthumb Kostowen inn
Neüssen ahn sich gebracht / vnd dessel-
bigen rechten erben ein geringes dar-
von gelassen. Auß denen ware einer
Petrus genant des herzogthumbs
Newograd oberster / der leze / welchen
der Moscowiter vff nachuolgende weise hat hingerichtet.
Er hat vierzig pferde von seinen trabanten inn nidder New-
wengrad gesandt denen er beuollen das sie ihm des obersten
vorgedachtes herzogen von Kostowe haupt bringe sol-
ten. Dieselbige haben den herzogen als er inn der kirchen
bettete also ahngeredet. Herr von Kostowi / du must ick
der des großfürsten gefangner sein. Daruff hat er als balde
den stabe / den er inn der hande hatte von sich geworffen /
zur ahnzeigung / dz er seinen gwalt / so er von ampts wegen
hatte / von sich würffe / Dañ diß ist der brauch / So der Mos-
cowiter einen vom adel inn ein ampt setzet / so gibet er ihm
einn stab inn die handt zur ahnzeigung das man im von
seinet wegen in allem solle gehorsam sein / vnd wann er ei-
nen widerumb absetzet / muß er ihm / odder seinem stadthal-
ter / den stabe widerumb vberantworten. Als nuhn dazumal
vorgedachter herzog inn der kirchen ist gefangen worden /
haben sie inen bloß wie er von mutterleibe kommen ausge-
zogen / vnd vff eine kutschken gebunden gesetzt.

Da sie

Da sie aber drei meilen von Newgrod kommen/haben sie
ahn der Wolg still gehalten/vñ als der Herkoge fragete was
rumb sie still hielten/sagten sie dz sie die pferde wölten trin-
ckenlassen. Daruff er antwortet/diñ wasser werden nicht die
pferde/sondern ich trinck tu/vnd nimmermehr austrincken
müssen/als balde hat der oberste vnder den reissigen ihm li-
gend/dz hauptte mitt einer art abgeschlagen/vnd den corper
ins wasser geworffen. Damann nuhn dem grossfürsten das
hauptte gebracht/hat er mitt kopff/vnd henden gewincket vñ
gesagt/D haupt/du hast inn deinem lebē viel bluths vergos-
sen/(Dann er ware ein dapfärer heldt gewesen) vñ solt nuhn
diweil du todt bist viel mehr vergiessen. Darnach den kopff
mitt einem fusse von sich gestossen/vnd beuollen dz mann des
nen auch ins wasser werffen solte / Darnach hat er alle seine
freunde/vnd seine ganze verwandtnuß über fünffzig perso-
nen/lassen vmbbringen/vnd ire hab vnd güter preis gegeben/
Auch vierzig von seinen fürnemsten Knechten gefenglich
einzuzihen lassen.

Es ist zu mercken dz der Moscowiter volck von natur das
hinen geneigt dz einer den andern vnderstehet vmb leib/vnd
leben/ehre/vnd gelimpfe zu bringen/darumb einer den an-
dern schendet mitt worten/tregt/odder wirffet dem andern
heimlich dz seine inn sein hause / vnd beclaget inen als hab
ers ihm entwendet. Diñ gefeltem gross fürsten wol/damitt
er muge gelegenheit haben die leute zu tödten/vnd inen dz
irige einzu zihen. Wenn mann aber gericht helt/vnd einer
vff ein gefellet vrthteil lachet/odder trawrig sich erzeiget fra-
get mann inen als balde warumb/vnd wirdt derhalben beim
fürsten ahngegebē/auch als balde vnuethörter sachē den tra-
bantē vberantwortet/enthauptet vñ inns wasser geworffen.

E

10

Wie Joannes piotrovitz desz Großfürsten oberster hofmeister falschlich ahngegeben/ vnd grawfsamlich ertödtet ist worden.

Cap. 4.



Al Jar nach vnser Erlösers vnd seligmachers gebure tausent fünfhundert / vndt acht vnd sechzig als König Sigmund bei Radostowitz mit seiner ganzen macht auß Lieflad zu veldtlage / vñ die Moscowitische grenz ahngreifsen wolt / lage damals der großfürste der Moscowiter mit seinē volcke zue Wielikieluki / Als aber der König widerumb zurucke gezogen / ist der großfürst auch wider in die Stad Moscha gekeret / vnd daselbst befunden / daß etliche von seinen edelleuten etwas vorgenommen / daß ihm zu wider ware. Insonderhait aber ist für ihm falschlich / vñ bösslich einer furtrefflichen geschlechtes / vnd namens / sein hoffmeister / als solte er nach dem Großfürstenthum brachten / ahngegeben worden. Daruff der großherzog ihm ohnerhoret als baldt alle seine güter / so ligende / so fahrende nehmen lassen / vnd beuolhen / dz er in Kriege gegen die Tartern ziehen sollte / Danuhn der arme mann aller seiner

seiner habe beraubet/ Kein pferde hatte / daruff er reiten mochte/ vnd des Königs beuelche erfüllte / Hat sich ein Mönche seiner erbarmet/ vnd ihm pferdt geluhen/ daruff er allein/ welcher doch zuuoren mit vielen reutern pflage beleitet zu werden hin geritten ist.

Nach dem er aber auß dem kriege widerumb zu hause kommen/ lebet inen der gossfürst für fodern/ vff ein zeit da gleichfals alle vom adel vnd grosse Herren inn der Moscha beschriben waren. Als aber ermelter Ioannes Piotrouis sahe daß er für gericht stehen muste/ hat er sein weib/ kinder/ vnd verwandte gesegnet/ denn er gedachte dz er sterben muste/ Darnach sich für dem Großfürsten eingestalt. Als bald hat ihm der großfürste selbst die fürstliche kleider/ kroue/ vnd scepter/ wie der fürst selbst inn seiner herlikeit pflegt zu gehē/ ahngethon/ vnd vffgesetzt/ vnd vff einen hohen Königlichen stule/ welcher darzue sonderlich ware vffgericht/ gesetzt. Vñ da er also gezieret/ da geseßen/ vnd alle vom adel/ vnd andere herren umb hero stunden/ ist der großfürste für inen getretten/ den hute abgezogen/ als wenn er ihnen ehrete/ den kopf/ vnd knie (wie der brauche bei den Moscowitten ist) geneigt/ vnd gesagt/ Sei gegrüßet Großfürst/ vnd Monarch inn Reußen. Sihe/ du hast nühn erlangt/ dz du begere hast/ denn du hast wellen ahn meine stadt großfürste sein (Denn allso ware er falschlich bei ihm ahngegeben) so habe ich dich nühn selbst darzue gemacht.

Gleich aber wie ich mache gehabt habe/ dich zue einem großfürsten zu machen/ Also habe ich auch macht dich widerumb abzusetzen. Nach dem er solchs auß geredt/ hat er ein lang messer/ odder dolchen/ ihm ettlich male ins herze gestochen. Desgleichen haben auch gethon alle umbstehende

herren/vnnd vom adel/biß alle seine eingewaide ihm vff die erden gefallen sind. Den leichnam hat man hernach auß dem schloß vff den marckte schleiffen lassen/ Darnach hat der fürste beuolhen daß man seine fürnemste knechte/ vnnd thiener/hencken/erwurgen/vnnd ins wasser werffen solle. Endlich ist er inn daß schloß Columna/welches er bemeltem Joansen mitt allen darzue gehörigen einkommen/obergeben hatte/gezogen/vnd alle menschen/dero ober drei hundert waren/erwurgen/vnnd ins wasser werffen lassen/sagend/ Tödtet/wurget/erseuffet diße böswicht/ Denn sie habens mitt meinem trewlosen meineidigen feinde gehalten.

Darnach ist er fast ein ganz jare/ lange durch ermeltes Hern Johansen lande/vnd stedte gezogen/vnd dieselbige verherget/vnnd verderbet mitt schwerdt vnd feur/vnnd da edelleute / odder freiherrn / vnder ihm'gefessen waren/ (Denn er ware ein grosser herr gewesen/ so vnder ihm viel vom adel/vnd andere herren gehabt) hat er dieselbige alle inn ein gemache zu sammen verschliessen lassen/ vnd dz hausel darinnen sie verschlossen/ vndergraben/ buchsen pulser darunder stellen/solche s ahnstecken/ vnd sprengen lassen/ dz die ihenige so darinnen/wie die vögel inn die lufft gefahren/

Alles vihe (ausgenommen hunde vnd fassen) hat er zu stücken lassen hawen / Die höue vnd forwerck zu aschen verbrant/ Dero vom adel töchter/ vnd frawen hat er durch seine trabanten fur seinem ahngesichte schenden vnd dieselbe darnach zu stücken hawen lassen.

Der bawren weiber aber / hat er nackend lassen aufziehen/gleich sie von mutter leibe kommen/vnd also nackend inn die welde gleich dem vihe/treiben lassen.

Darinnen er seine trabanten heimlich verstecket/welche

che als die arme weiber hinbei kommen / ihemerlich gezei-
selt / vnd umbgesprenget haben / das von solchem ihamer /
vnd weh klagen der walde erschollen.

Da ernun vff solche weise das ganz lande vielges
dachtes Herrn Johansen verherget / hat er
seine hausfraw inn ein Closter gestossen /

Aber sein ganz geschlechte / vom
höchsten / bis vff den ges
ringsten / vers
tilget.

* *
*

E 3

14

Wie er mit seinem Cantzler vmbgangen.

Cap. 5.

In obberueretē jare nach dem
er einen solchen trefflichen mann mit seinem
ganzem geschlechte vmbbringen lassen / hat er
auch seinen canzler Rozarn Dubrowski / wels
cher bei ihm auch felschlich ahngeben / als solte er sich haben
von den bawren vnd vnderthonen dero vom adel / odder freis
hern / bestechen lassen / das er inen nicht gebieten liesse / das
sie mit iren wagen vnd pferden / wie breuchlich das ges
schusz fuhreten / grausamlich lassen vmbbringen. Denn er hat
seinen trabanten beuolhen das sie ihm mit gwalt ins hause
fallen / vnd inen (ob er schon nicht vberwiesen ware das er
etwas vbelis gehandelt) zu stucken zuhawen solten / welches
dieselbige auch ohn allen verzug / gethon / vnd bemelten cans
kler als sie inen mit seinen zwei Söhnen vber tische sitzen
finden / zerhackt / vnd die stücke inn einen brunnen so mitten
im houe stunde geworffen. Nuhn hatte aber derselbige cans
kler noch einen sohne / welcher ahm selbigen tage / da der
vatter mit den andern beiden Söhnen / so ihemerlich vms
bracht worden / von einem zu gast geladen / hinweg verreis
set ware / nach dem der erfahren / wie mann mit seinem vater
er / vnd bruder gehandelt durffte er nicht heim kommen /
zohe also ein ganzes iare vmb hero. Als aber dem großfür
sten wurde ahngezeigt / Das der canzler noch solte einen
Sohne

Sohne im leben haben/ hat er beuolhen/ daß mann denen durch alle lande solte suchen/ vnd nach dem er gefangen worden/ hat inen der groß fürste jnn vier stücke von einander reissen lassen mitt vier reddern/ Dize weise mitt vier reddern einen menschen von einander zureissen/ hat der Moscoviter iesziger gros fürste/ Ioannes Basiliades/ erst erdacht/ vnd erfunden/ Nemlich dz ahn daß erste radt eine handt/ ahn dz zweite die andere handt/ gleicher massen ahn die zwei andere redder beide beine gebunden werden/ ahn einem ieden radt aber fünfzehen menner zihen/ vnd also einen menschen sechzig menner von einander reissen müssen.

Wenn vff solche weise einer zetreuet wirdt/ pflegt er selbst darbei zu stehen/ vnd mitt lauter stimme zu ruffen Hoyda/ Hoyda/ Hoyda/ gleich als hette er ein groß werck verrichtet/ vñ müssen alle seine edelleute/ vnd herren/ die vff inen warten/ die hende zusammen schlagen/ vnd auch also iuch darzue schreien/ Denn wenn einer würde befunden der sich trawrig ober solcher thathe erzeigete/ odder nicht iuch zu schrie/ denen ließe er als baldt von seinen trabanten

jnn stücke hawen/ vnd spreche/ Du heiloser böse

wiche/ du heltest mitt meinem finde/ dies

weil du ein mitteiden mitt ihm hast/

warumb bekummerstu dich

ober seinen todt/ &c.

* * *

¶ 4

Wie der groß fürst vber tische pflegt zuschertzen.

Cap. 6.



Welcher herr odder vom
Adel vber des Großfürsten tafel
ahm vnzuchtigsten kann schercken/
vnd loseste zottenreissen / derselbige
wirdt für den besten gehalten / Solz
cher sind ahm houe zwene rechte ges
brüder gewesen / Knesi Gwozdowik
genant Einer Andreas der Mars
schalck / welcher ahn der pestilens gestorben / Der ander / vnd
der jünger ware Kemmerling / Derselbige als er vff ein zeit
vnder essen mitt dem fürsten so grobe gescherket das der für
ste vber inen erzurnet worden / Hat er inen heissen vom tische
gehen / vnder des / brachte mann ein siedheissen kole vff den
tisch da rieffe er dem Kemmerling widerumb / vñ liesse ihm
den kopf zu rucke biegen / name den siedheissen kole vñ schutz
te denen ihm inn hals. Da sienge er ahn zu schreien / O groß
mechtigster Keiser seie mir gnedig. Da er nuhn wolte hins
weg gehen name der groß fürste sein messer damit er pflage
vber tische zu essen / vnd stichts ihm inn hals / von welchem
stich er nider gefallen vnd als baldt gestorben ist / als mann
nen aber hinauß jnn houe geschlept / Hat der fürst eilend seis
nem arzet einem Italianer / ruffen lassen / vnd gesagt / lieber
Dcotor Arnolphe (denn also hiese er) gehethinen vnd helffe
meinem

meinem Kemmerling/welchen ich inn dem ich mitt ihm gescherkt/habt verlezet/ Der Doctor gehet hin/vñ da er befindet/dz er todt ist/kompt er widerumb hinein/vñnd spricht: König/vñd grossfürste/wolte Gott daß du gesunde seiest/dieser aber ist vom leben zum todt gebracht. Gott aber/vñd du grossfürste vermügen ihm dz leben zu nemen/ich aber vermags ihm nicht widerumb zu geben. Hieruff hat der fürst geantwort/wolahn so sei der hunde dahin/sintemal er nicht hat leben wollen.

Wie der gross fürste die seine pfleget zu verehren.

Cap. 7.

Af eine zeit als ein fürnehmer mann Boris Titow ein Pfalzgraue zu Starik zum Herzogen da er nach dem morgen essen sich vff einen elenbogen gestewret hatte kame/vñd wie gewonlich/mitt geneigtem haupte ihm ehre erzeiget. Sprach der Herkog gleich als wolmeinende zue ihm. Mein Tite gott grüsse dich du gertewester knecht/du hast verthienet/ daß ich dich mitt einer gabe verehere/tritt neher herbei/Vñd als er hinbei kame/hiesse er inen dē kopfe zu ihm biegen/zohe ein messer auß/vñ schnitte

D

ihm mitt eigener handt ein ohr abe/ Dagegen Titus anders nichts sagt/dann dz er ihm vnderthenigst danckete/vñ sprach. Aller gnedigster fürste vñ König Gott welle dir viel guts verleihen dz du mich deinē knechte dermassen gezüchtiget hast. Daruff antwort ihm der fürste. Nimm vff diß malle mitt dissē geringe verehrung für lieb/biß dir etwas bessers widdersehret.

Wie der Großfürste die tröme so wol anlegen kann.

Cap. 8.



Swurde einer vom adel inn der Stadt Moscha vieliare gefangen gehalten/vñ auß verdroß solcher langwieriger gefengnüß/tischtet er selbst einen solchen trawme/ Als dz er gesehen hette/wie der König auß Polen zu dem groß fürsten were gefenglich geführet worden. vnd vermeinte durch solchen trawme (wiewol inen seine hoffnung betrogen hat) ledig zu werden. Schribe derhalben eine supplication ahn die rethe vnd vermeldet inen wie er etwas/dar ahn dem großfürsten viel gelegen/vnd ihm gäß ahngenehme sein werde/habe ahn zuzeigen. Daruff die rethe inen als baldt auß dem gefengnüß nehmen/vnd für den fürsten kommen lassen. zu demselbigen sprach der fürste / Ruhn sage

sage ahn was du vnß zu sage hast/ Antwort er. Durchleuch-
 tigster König Keiser vnß fürst/ ich habe diese nacht im trawme
 gesehen wie König auß Polen gefangen/vnß mit fessern ahn
 die füsse geschmiedet/von deinen friegsleuten/dir sei vberant-
 wortet worden. Hieruff hat der grosherzog geantwort/Du
 hast wol geredt/Baldt wil ich dir diesen trawm außlegē. Vnß
 hat inen ahn stunde den stöckern vberantwortē lassen/vnß fra-
 gen/wie er solchen trawme habe erdacht/welcher durch die
 vulter dahinen gezwungen/bekant hat/das er solchs sich der
 gefengnus züerleddigen habe erdacht. Daruff hat der gros
 fürste beuolhen inen noch viel inn ein schwereres gefengnus
 ein zuschließen/darinnen er erwarten solle bis sein trawme
 wahre werde. Inn welcher gefengnuß/der arme mann her-
 nach zehemerlich gestorben ist.

Wie der Groß fürste mitt den edlen frauen schandlich vmbgangen seie.

Cap. 9.

E hat der grossfürste viel verrether/vnd heimli-
 che lausterer/welche hin vnß wieder vmschleichen
 vnd lawstern was die weiber von ihm reden/vnd
 ihm dasselbige als balde zu ohren pringen. Als
 balde aber ihm von einer etwas ist ahnbracht
 worden/endet er seine trabanten inn ire behausung/vnd las-
 set sie aus irem beth vom manne reißen/vnß für sich pringen.
 Wenn sie den ihm gefellet/behelet er si etliche wochē bei sich

vnd schaffet seinen wille mitt ir / gefellet sie ihm aber nicht / so
 vbergibt er sie seinen trabantem / zuschenden / vñ schicket sie
 darnach dem manne widerumb heim / Hat er aber willens
 jren mann vmbzubringen / so leset er sie erwurgen / odder
 erseuffen.

Also hat er seines obersten Notarij haussrawen ges
 thon / welche er sampt einer magte mitt gwalt hat hollen las
 sen / vnd demnach er sie ettliche wochen bei sich behalten / hat
 er sie mitt der magte vber jres mannes thüre henccken lassen /
 darnach vber vier zehen tage erst beuolhen herunder zuthun.

Mittler weilen muste jr mann vnder den todten corpem
 auß / vnd ein gehen. Noch viel gewlicher hat er gehandelt
 ahn einem andern seiner Notarien welchem er sein weib
 auch mitt gwalt nehmen lassen / vñ nach dem er die geschens
 det / hat er sie widerumb heim geschickt / vnd ahn dem ort / da
 jr manne pflage zu essen / vber den tisch lassen henccken / Hat
 also der manne viel tage / biß der fürste den todten leichnam
 herab zuthun beuolhen / daselbst essen müssen / Wenn er auch
 ewareiset / vnd ihm ein ehrliche frawe begegnet / ob es schon
 auch eines grossen Herrnn frawe were / lesset er fragen von
 wannen sie seie / vnd wohinen sie welle / Wann er denn hö
 ret daß sie eines solchen mannes weib ist / welchem er vffsa
 zig / vnd feindt / Befilcht er / dz sie vom wagen solle
 herunder steigen / sich biß ahn halse entblößē vnd
 so lang also stehen / biß alle seine rewter /
 trabanten / vnd gesinde / vnd er selbst /
 für vber gezogen

sindt.

* *
 *

Was

Was den ihenigen begegnet so sich
vber vnbilligkeit beklagt haben.

Cap. 10.



Dad Jare nach der ge-
burt christi tausent fünffhundert / vñ
sechs vnd sechzig / Sind vff die drei
hundert / vom adel / vnd andere chris-
liche menner zum groß fürsten kom-
men / vnd sich vber allerhand vn-
blichkeit / raub / mord / vnd vnerhöreter
Tyrannei / gegen iuen beklagt / mit
nachuolgengen worten / Durchleuchtigster König vñ groß-
fürste / gnedigster herr. Was ist doch die vrsache daß du vns
ohn alle schuldt so viel vnbilligkeit zufügest / vnserer bruder /
vnd verwandten tödten ledest / vñ inen ire habe / vnd güter
raubest / darzue deine trabanten vns zu verderben ahnrich-
test / welche vns vntregliche büerden vfflegen / vnd wir wissen
nich ob sie dessen von dir beuelch habē. Dann wir dir als vns-
serem rechten ahngeborenen fürsten / vnd Keiser / wie trewen
gehorsamen leuten gebüret / trewe vnd holdt sind / vnd bei dir
guth / vnd bluth / allezeit vffsehen. Hieruff ist der groß für-
ste ergrünnet / vñ hat sie allezumale beuolhen gefenglich
einzusetzen / vnd vber fünff tage hernach sie auß dem gefens-
gnuß nemen / etliche die zungen abschneiden / etlichen aber
hende / vnd füsse abhawen lassen / fünffzig aber der fürnem-
sten auß inen vff dem marcke mit ruten steupen / vnd dar

D 3

nach lauffen lassen. Welche ob er irer schon damals vers
schonet/gleich wol hernachmals grausamlich/wie hernach
mals wurde ahngezeigt werden/vmbringen lassen.

Was der grossfürste seinem schweher für Danckbarkeit bewiesen.

Cap. II.

Michael mit dem zün
hamen Lemrocovicz hohes stam
mes des grossfürsten schweher / hat
bei seinē tochtermanne disse gnade/
d; er ihm etwa vff zwo odder mehr
wochen gnade/ vund freundschaft
erzeiget. Hernach aber wenn er
vber inen etwa auß einer geringen/
vnd leichtfertigen vrsach ist erzürnet worden / lesiet er ihm
ahn alle thore/vnd türen im houe/ vnd saalen / zwene odder
drei wilder beren binden/welche die ihenige/ so da auß/ vnd
ein eingehen zehreissen jnn mittelst muß sein lieber here
schweher also verschlossen einsisen/vnd wenn er etwas hat
dasselbige essen/ vnd trincken dieselbige bären werden offe
innzwei/ odder dreiwochen nicht von dannen geführet/
Wann auch der grossfürste mercket d; sein schweher einen
vorrath von gelte hat/ Beuilcht er/d; man inen hinnehmen
sölle/vnd ahn dem ort/daselbst man nach gewonhait des
landes

landes pflaget die verschuldete hinzu führen/vñ ind so lang
 gemitt ruten zu schlagen/biß dz er ahnzeiget/wd er sein
 gelt vnd schatz hat. Bissweilen aber wenn er mitt schleggen
 nicht auß ihm bringen kann/lesset er ihm auß seiner kam-
 mer ettlich gelt reichen. Also machet der grossfürste seinen
 schweher bissweilen reich/ bissweilen arme/ vnderweilens
 wenn er ihm sonder gnade erzeigen will thuth er ihm für
 seine persone nichts/ aber seinen fürnehmsten thienner/ der sei-
 nes herren stadt pflaget zuuorwesen/lesset er mitt ruten steu-
 pen/ so lange/ biß er seines herren schatz verrathen thuth/
 Darumb sein herr bissweilen auß mitleiden seines knech-
 tes so viel gelts für inen bezalet/ als der fürste begeret hat/
 Es hat sich auch vff ein zeit zugetragen/ Daß des grossfür-
 sten/vnd seines schwehers beide kusscher vff der wege mit-
 teinander zwitrechtig sind worden/vnd nach dem des gross-
 fürsten fuhrmann vbel verwundet/ ist er zum Marschalck
 kommen vnd sich beclagt/wie er von des fürsten schwehers
 fuhrknecht vbel sei geschlagen worden/ Hat der Mars-
 chalck solches ahn fürsten gelangen lassen/welcher als balde
 vnuerhorter sachen seine trabanten inn seines schwehers
 hause abgesandt/vn drei von seinen fürnehmsten
 thiennern hengen lassen. Dieselbige musten
 vber dem thore so lange hangen/ vnd
 jedermann vnder inen auß/ vnd
 eingehen biß sie der fürste
 beualhe herunder
 zuthun.

* *
*

D 4

Von des grossfürsten Tyranny so
er inn den Stedte Nouograd Psko-
wia/Lweria/vnd Nerua Anno
Dñi 1569. geübet.

Cap. 12.

Ad iare nach Christi gebürt/
Tausent fünffhundert vnd neun / vnd sechzig/
Nach dem der grossfürste vermercket / daß die
burger zue Newengrod Pskowe / vnd Thwes-
ren vff des Königs auß Polen / vnd des Herzogen von der
Liddaw seiten besser geneigt / Hat er darnach getrachtet wie
ersolchs ahn inen rechnen möchte / vnd sie vnuersehens vbers-
fallen / Hat derwegen die sachen also ahngestalt / Erstlich
hat er einen befelch lassen außgehen / daß niemandt / eß sei
mann odder weib / jung / odder alte / bei leibs straffe solte die
strassen so auß der Mosca / nach gross Newengrodi gehet /
vnderstehen zu wandern / Darnach als er mit einem grossen
hauffen von Alexandroua Slobada ausgezogen / inn vor-
habens die zue Newogrode inn grunde auszurotten / hat er
seiner soldadē vff die siebenhundert für geschickt / vñ gleich
so viel vff beidenseiten / vñ vff dem ruck en inen zugeordnet.
Welche alle die ienige / so sie vff der verbottenē strassen ahn-
getroffen / mit allem was sie gehabt vihe / vñ meschen / zu stus-
cken zerhackē solten / Daß also niemandt auß der Moschow
gehn

gehn Newogrod/odder von dannē/inn die Moscha kommē/
 vñ des fürstē fürnhemē verhintrē mochte/odder wußete/dēñ
 allein einer von seinen geheimsten secretariē Dphanasius
 Wiazim genēt/Dañ dieses wurde alles darumb also heim-
 lich gehalten/damit sie vnuersehens vn̄ploglingen vberfallē
 werden/vñ niemād von inen entrinnen möchte. Als er nuhn
 fast mit seinē heere vff ein halbe meile bei Newengrode wa-
 re/habē erst die arme leute vermerck et dz ir iungster tage für-
 handen. Dēñ die schuzen/vñ reuter/hatten schon angefangē
 rings vmb heren alles zu verbrennen/vñ zu wurgē/verschon-
 neten keines weß standes er auch ware/hiebē alles zu stücken
 vñ stecketen mitt feur alle flecken vñ dörffer abn. Die ihenis-
 ge auch/so da gelegt waren zum hinderhalt/verhüteten mitt
 allem vuleiß/dz dē fürsten niemand möchte nachkommen/dz
 sie auch seiner eignen knechte nicht verschonetē/sonder hie-
 bē die zu stücke. Dēñ der fürste besorgete sich eines vffruhrs
 von seinem eignen adel/vñ volcke Endtlich hat er in die stadt
 groß Newegrod etlich tausent von seinem kriegsvolck/vñnd
 Lartern fürgesangdt/die stadt zu plündern. Denen er als
 bald ist nachgeuolget mitt dem hellē hauffen. Vñ hat beuol-
 hen/dz man alles was inen begegnen/vñ fürkommen wur-
 deerstechen/mitt den pferdē zer tretten/vñ zu stücken zerhaw-
 ren solle. Er selbst auch hat mitt seinem eltesten sohn/mitt ei-
 guer hädt viel vmbtrach. Darnach hat er zwene grosser weis-
 ter pleke vmbzewnen/vñ mitt holz vmblegen vñ darcin die
 fürnemste burger gebundē führen lassen vnder welche er mitt
 seinem eltesten sohne gerennet inn sie gestochē/vñ gehawen/
 so läge biß sie so müde worden/dz sie nicht mehr die arme wes-
 gen kundten/Endtlich zu seinen trabanten geruffen. Fallet
 vber diese trewlose vñ meineidige boswichter/zerhawet vñd

E

wurget sie / dz keiner vberig pleibe. Welches als bald also auch ist geschehen / vñ nach dem sie alle erschlagen / hat man sie ins wasser geworffen. Darnach hat er etlich hundert vffs eise desselbigen wassers / so durch die stad fleusset / treiben / vñ vff den seiten dz eise vffhawen lassen / welche alle zu grunde gesunken vnd ersoffen sind.

Solche grausame tyrannei hat der grossherzog / inn der Stadt Newegrod / so die fürnemste inn ganz Reussen ist / ahngerichtet / vnd sindt damals zwei tausent / siebenhundert vnd siebenzig nur fürnehmer burger / aufgenommen den gemeinen pöbel / weib / vnd kinder (welche alzumale im wasser erseuffet) vmbkommen. Er hat auch inn der Stadt gepiete hundert / vnd funff vnd siebenzig klöster plündern / vnd verbrennen / vnd die mönche darinnen erwurgen / vnd ins wasser werffen lassen. Seidene kleider / vnd alle kleinodt / hat er den kriegsleuten zur bewte geben / was aber von gölt / vnd silber befunden (so fast viel / sonderlich aber inn den klöstern / vnd der kauflete hawsern / gewesen) hat er ihm vorbehalten. Er hat auch die hewser einreissen lassen. Vnd solchen schaden gethon / dz man denen nicht aussprechen mage. Wachsscheiben so von zwanzig jaren inn der Stadt waren gesammelt worden / hat er alle verbrennen vnd ins wasser lauffen lassen. Dann der größte vnd fürnehmste handel inn derselbigen Stadt mitt wachs / vnd rawem fellwerck ist.

Nach dem er denn diese Stadt dermassen ihemerlich verheret / vnd die ganze vmligende grenze / hat er fünffhundert pferde inn die Stadt Neruiam / so mitt den Lieflendern grenzet / vnd daselbst die zu Newogrode ire wahre / vñ kaufmanschake pflagen aufzuladen / geschickt / vnd öffentlich auffruffen lassen durch die ganze Stadt / dz bei leibs straffe vnd
verlie

verlierung aller seiner habe/ vnd güter / niemandt dero Newogrodischer güter kauffen/ odder vff einigerelei weise ahn sich bringen sollte/ vnd sind als baldt alle dieselbige burger/ so von den Newogrodischen güter bekomme haben/ erwurget/ vnd ins wasser geworffen worden/ auch alle jre habe vñ guter/ sampt den hewsern verbrant.

Die armen leute aber vnd betler/ so der zeit von grossem hunger/ der damals inn der Stadt ware von den erschlagenen corporn inen speise zurichteten/ hat der fürst beuolhen auch zu erwurgen/ vñ ins wasser zu werffen. Alle wahre aber denen zu Newogrod zustendig/ hat man zu sammen gefuhrt/ vnd verbrant.

Wie es dem Erzbischove zu Newogrod gangen.

Cap. 13.

WEs der großfürste der massen inn der Stadt haushielte/ vñ tyränfirete/ hat inen der Erzbischove welche die Reussen pflegen Blasdik zu nennen/ zu gast gebetten. Daruff er ohn einige entschuldigung/ zur stunde des mitrages imbs mit seinen trabantē inn des Erzbischofs behausung kommen. Vnder essens aber hat er beuolhen dz man S. Sophien kirche/ darein die burger jre scheke/ vñ beste Kleinod hatten gestohet/ plündern solte. Nach gehaltenen malzeit hat er dem Bischove/ bei dem er gessen/ alle ser

2

ne Priesterliche/ vnd Bischoffliche Kleider/ vñ ziere ausgezogen/ vnd zu ihm gesprochen. Es gebüret dir nicht dz du ein Erzbischove sein sollest sonder du gibst einen guten sackpfeiffer/ vnd einen Bernheuter/ dz du inen zu tank pfeiffest. Darumb wirdes ahm besten sein du nimmest ein weib/ so ich dir aufgesehen habe/ zu den andern apten/ vnd Priorn/ die mit vber der tafeIn gewesen waren/ saget er. Euch lade ich allzumale zue ewres erzbischoves hochzeit/ aber ein ieder wirdt etwas mußē dar zu stewartē/ damit die hochzeit muge ahngestaltē werdē. Da habē sie alle zumal ein ieder eine summen gelt/ so inen der fürst vfferlagt/ erlegen mußē vnd so viel/ daß sie vff den eusersten heller sind geschunden gewesen. Denn sie fürchten sich/ daß er sie wurde peinigen/ vnd martern lassen/ Darumb gabe ieder was er vffs euserste vermochte. Nach dem er nuhn solchs gelt von inen zu wegen gebracht hatte/ Beualthe er eine weiße tragende mehre ihm zu bringen/ vnd sagete zum Erzbischove/ sihe da hastu dein weib/ sihe drauff/ vnd zihē hinen in die Moscha/ vnd laß dich daselbst einzeichnen vnder die pfeiffer/ so den Beeren pflegen zu tank zu pfeiffen/ Der Bischove mußte vffsizen/ vñ hatte einen groben wällen rōcke ahn/ vñ da er vff der mehren saße/ ließe ihm der fürst vnden die füße zusammen binden/ vnd reichet ihm/ ein leire / zwerch pfeiffe / vund harpfe / vund sprach zu ihm sihe da hastu die instrument deiner kunst/ Den zu differ kunst hastu mehr lustē/ als zu aines Erzbischoves ampt/ Darumb zihē hinen zu deines gleichen/ vnd vbe dich darinnē. Hat also durch di Statt reiten/ in die pfeiffen blasen ob schon er nicht hat pfeiffen jemalens gelernet/ müssen.

Darnach hat er die andere Prelaten/ Apte/ Prior/ vñ vnd Mönche als er von inen zuuorn alles abgenommen/ iemerlich

lich mitt arten von einander hawen/erstecken vnd erseuffen lassen. Hernach hat er einen hochberhämten mann Theodorum Sirconi ein halb meil wegs von der Stadt zu sich foddern/ denē mitt einem langen seile inn der mitten umbinden/vnd inn die volchow werffen lassen/ vnd wenn er schier ersoffen ware/hat er inen widerum bevolhē heraus zu zihen/ vnd inen gefraget. Sage mir/was hastu vff dem grunde dieses wassers gesehen? Daruff hat er ihme geantwort Großfürst/ich hab gesehen alle teuffel/so inn diesem wasser/vnd allen sehen inn Ladoga/Sladoga/vnd Warmia sind/vnd sich deine seele inn abgrund der hellen zu führe versamlet haben. Antwort ihm der großfürste/Du hast recht gesagt. Ich aber will dir für solches gesichts offenbarung/vnd erklerung/den lohne geben. Hat derwegen als bald bevolhen inen inn einen kessel mitt siedheissem wasser zu werffen biß ahn die knie/vnd so lang zu peinigen/biß er ihm alle seine schecke theste bekennen/Danner war für trefflich reich/vnd hatte zwölf klöster vff seinen kosten gebawet/vnd gestiftet. Er hat aber inn solcher marter dreissig tausent gulden ahn silberer münsz allein bekant. Endlich ist er mitt seinem bruder Alexio auß beuelch des fürsten zu stücken zer hawen/vnd inn dz nechste wasser geworffen.

Demnach er diese vralte/vnd weitberuhmte Stadt inn Reussen also grausamllich verwustet/vnd zerstöret hat/ist er nach der Stadt Piekow/so nicht geringer ist gweisen/ als die Stadt Newegrod/sie gleicher massen auch zu verwustet/gezogen/vnd als er mitt seinem heere hinzue came/die burger aber vemerkten daß ir endtlichs verderben für handen. Hat ein ieder für seinem hause/einen tische zugericht/vnd daruff saltz vnd brot gelaget.

Dann bei den Moscowitern bedeutet brot gnade/ saltz aber/ liebe/ vnd sind darnach dem fürsten entgegen gangen/ jnen vnderthenigst/ nach gewonheit der landen/ gebetten/ dz er mitt jnen welle für liebe nemen/ mitt nachuolgenden worten. Groß König/ vñ fürste/ gnedigster her/ wir deine knechte vñ liebe getrewe/ laden vnd bitte dich vnderthenigst zue saltz vnd brot/ vnd vberantworten dir vns selbst/ vñ alles was wir haben/ dz du damit mügest schalten vñ gewalten/ nach deinem wollgefallen/ Denn alles was wir haben/ ist nicht vnser/ sonder dein.

Hierdurch ist er etwas gnediger gegen sie worden/ vñ hat sie nicht (wie er ihm sonsten hatte vorgenommen) tödten lassen. Allein den reichsten burgern/ vnd kauffleuten hat er ir gelt vnd silber genommen/ etliche Monche vmbbracht/ zu stücken zerhawen/ vnd ins wasser werffen lassen/ Auch zwo stiftkirchen darinnen grosse scheke waren/ beraubt/ vnd alle glocken auß den kirchen hinweg geführet.

Von dannen ist er nach der Stadt Twer/ daselbst für zeiten die fürsten von Twer iren sitze gehabt/ gezogen/ vnd daselbst nicht weniger tyrannei/ als er auch zu Newegrod/ gewbet/ die einwohner zu wurgen/ vnd zu berauben/ Er hat auch fünfhundert Russen/ vñ Littawer welche inn erobierung der festung Poloczka dahinen sind gefangē gebracht/ worden/ lassen vmbbringen. Vnd neunzehn großer hernn der Tartarn die im selbigen friege waren gefangen wordē getödtet. Sölches aber zu verrichten hat er verordnet seiner trabanten capiten Maluita Sturatom genant/ Da aber dieselbige Tartern sahen/ dz sie sterben mussten/ gedachten sie sich als lang sie kundten/ zu wehren/ vñ name ein jedes heimlich ein messer zu sich in ermel/ Danuhn ermelter Maluita

luta

luta mit seinen trabantē sie thete angreifen/ fiengen sie sich/ wie die brüllende lewen zuuertheidigen einmüthiglichen ahn/ vnd sielen ahn de capiten rissen ihm den leib mit den messern/ ob er wol ein panzer ahn hatte vff/ daß ihm dz ges derme vff die erden siele/ vnd wurden mit ihm noch vier von den trabanten allso vmbrecht/ die andern aber entsetzten sich darüber/ vnd flohen. Als aber solchs für den großfürsten kame / Schicket er baldt fünffhundert hackenschussen den trabanten zu hülffe/ die vmbbringen sie/ vnd erschossen sie/ darnach wurden sie zu stucken zerhawen/ vnd ins wasser geworffen.

Von der Tyrannei/ die er gegen seinen geheimsten Rath/ vnd Secretarium geübet hat.

Cap. 14.

Als der großfürst ihme vorge- meldte Stedte dermassen zuerwusten hatte vorgenommen/ hielte er solchs so geheim / dz ers niemand/ denn allein seinem geheimsten secretario/ welchen er fast liebde/ Ophanisio Wiazimski / offensbarete/ darumb er denn bisweilen des nachts zweimal vffzustehen/ mitt demselbigen vff vn̄ abe zu gehen/ vn̄ seine ahnschlege zuberathschlagen pflage/ vnd wiewol er auch einems

Ⓔ 4

welschen Doctor Arnolpfo viel vertrawete/ name er doch
keine artzney von demselbigen ahn/ denn durch dieses Ophanasi
handt. Diser Ophanasius hatte dem großfürsten off
ein zeit einen herren loweczif genant/ commendirt/ Der ein
zeitlang bei ihm inn grossen gnaden gehalten wurde.

Er ware aber seinem fürderer vndanckbar / vnd verung
eimpfet denen bei dem fürsten vffs höchste/nemlich / als solz
te er die geheimnis von der verderbung dero zu Neograd
vnd Twere etlichen offenbaret haben / Dissem falschem
abgeben glaubet der fürst / erzeiget sich aber gegem ihm
nicht gleich vngnedig / vnd stellet sich gegen ihm / als wenn
er ihm wie zuuorn allwegen / auch noch gnedig were berachz
schlaget mit ihm große heimlichkeiten / vnd trachtet doch bei
ihm heimlich wie er ihm vnglücke möchte zu richten.

Deswegen als er vff eine zeit mit ihm von geheimen sas
chen rathschlagete / beualhe er seinen trabanten / daß sie des
Ophanasij fürnemste thienen themerlich solten vmbbringen /
Da nuhn Ophanasius vom fürsten her auß kame / vnd sahe
daß seine thienen so erbemlich ermordet waren / nahme er sich
nichts ahn / daß ers gesegen hette / Darnach hat er ihm sein
hab / vnd nharung nemen / vnd siebenzehen der fürnehmsten /
auß seiner freundschaft erwurget. Inen aber ahn denselb
bigen oreh / damann pflage die verschuldeten hin zu führen
bringen / vnd mit knütteln so lang abbewen lassen / biß er
alles bekant / was er noch heimlich hat verborgen gehabt /

Vber solchs hat er inen teglich drei male vmb die beine
mit brügeln schlagen lassen / dz ihm die beine wie eine drums
me sind offgelauffen / vnd er endlich durch grosse marter vff
ettliche burger falschlich gesagt wie sie ihm eine große süm
men geltz solten schuldig sein / Dieselbige summen / ob sie
ihm

ihm schon niemals etwas waren schuldig worden / mussten
 sie dem fürsten erlegē / Darahn er doch noch nicht ersettiget /
 sondern hat ihnen mitt brügeln vmb die beine so lang schlas
 gen lassen biß er gestorben ist. Seine thienen aber dero doch
 etliche sich hatten dauon gemacht / hat er auch vbracht / sei
 ner hausfrawen iungfraw vnd thiennerin aber dero vff die
 vierzig gewesen / vñ trefflich wol nehen / vnd sticken kundten /
 hat er zue sich genommen / vnd seinen willen mitt inen voln
 bracht.

Der großfürste lesset sechs trefflicher
 menner vmb eines vergülten pan
 zers willen grawsamlich
 vbringen.

Cap. 15.

S Ach dem ein trefflicher
 mann hohes geschlechtes auß der
 Liddaw Timotheus Masalski ge
 nāt / so im friege ware gefangen wor
 den nach langwiriger schwerer ge
 fengnus / auß beuelhe des großfürsten
 solte gericht werdē / Hatte der Psallz
 graue in der stat Moscha welcher ein
 thener ware des hernn J. P. dauon zuuorn gesagt ist / als er

sahē das ohnedas̄ seines herren güter alle dahinen giengen/
heimlich ein vergult panzer beigethon/vnd solchs seinen ges
sellen zuuerwahren gegeben/welche inn demselbigen gefen
nis lagen/darinen auch obgemelter Timotheus gefangen
ware. Darnach hat sichs zugetragen das dasselbige panzer
dem Timotheo ist verpfendet worden/welcher solches sei
nem thienere hat vffzuheben geben der ihme im gefangnuß
thienete/vnd doch frei ware/Derselbige thienere kompt vns
der die wacht als er das panzer inn seine herberge will tras
gen/wirde gefangen/vnd als bald dem kerckermeister vbers
antwortet welcher/wie er das panzer sahe das es köstlich wa
re/ihme solchs zuignet/vnd verbirget Es waren aber im
selbigen gefengnuße zwene von des grossfürsten schutzen die
solchs gesehen hatten/Dieselbige zeigen des grossfürsten
Kethen die sachen ahn/nemlich wie der Kerckermeister ein
vergultes panzer vom Timotheo habe bekommen/so des
Joannes Piotrowizen gewesen/welches er verborgen/vñ
bei sich habe.

Als bald bringen die Kethe solchs für den grossfürstē/
Derselbige biuilhet/dz man den Timotheum auß dem ges
fengnuß pringen/vnd stellen solle/vnd mitt ihm zwene Mos
scowiter so ihm solchs panzer verfast hatten/auch die ande
re beide schutzen welche die sache offenbaret hatten Darnach
liesse er sie vffs greulichste vulteren/vnd darnach vmbri
ngen/das irer vier erseuffet Der herr Timotheus aber vnd
der Kerckermeister zu sammen gebundē in die stadt Moscha
verschickt vff den Osterabend geköpft/vnnd ins wasser hin
geworffen/Sind also sechs vmb eines panzers willen ihes
merlich vmbbracht worden.

Wie

Wie es den ihenigen gangen / so dar-
nach haben forchen lassen was der
großfürste thue.

Cap. 16.



Shat vff ein zeit einer
von des großfürsten Secretarien et-
liche von hofe / die ihm wol bekande
waren / inn sein hause zu gaste gebet-
ten / vnd sie wol tractirt / inn dem er a-
ber ware vergessen die weil er seine
güte frunde wolte frölich machē / wie
es dennetwa pflegt zugeschehē / gehn
höue zugehn / Schickt er einen von seinen thienern dahin
das er solte vernennen / was der herhoge thete. Der
thiener als er vff den Saale Kame / sahe er / das der groß-
fürste mitt einem seiner Rathe redete / vnd gieng widerumb
hinweg seinem herren solchs zuuermelden. Nach dem aber /
der großfürste seine Rathe von sich gelassen / hat er nachfor-
schung gethon / wessen thiener im saale gewesen / vnd auß was
vrsachen. Daruffet man dem thiener widerumb / so saget
er / wie er von seinē herrn abgefertiget zu vernehmen / was
der fürste thue / Als bald / da der fürste solchs vernommen /
behelt er den thiener bei sich / vnd lesset den Secretarium
mitt seinen gesten holen / vnd die vffs grausamste peinigen /
vnd befragen / warumb sie den thiener haben ausgesandt zu

§ 2

uerkundschafften was er zu houe thete / Warumb auch der Secretarie eine solche Stadliche gasterei ahngericht / vnd was sie darbei von ihm für rede geführet hetten / Hieruber sind etliche auß marter gestorben / den andern hat er alle ire güter vñ habe nemen lassen / die vberige sind halb todt lange zeit gelegen. Vonder zeit ahn / hat keiner dürffen mher einen thiner gehn houe schicken / zuerkündigen was der fürst thue / Sondern sie sind selbst zu bestimter stunde alle gegenwertig / so Kethe / so andere Herren.

Es hat auch vff ein zeit des großfürsten pfalzgrauen einer Wlodimirus Morozow / ein furnemer / vnd ahnsehlicher man auß barmherzikeit einen der auß beuelch des großfürsten getödtet ware worden / lassen begraben / derselbige ware des herzogen Curpiskider zum König auß Polen sich begeben hat thiner gewesen Dessenwegen beschuldiget der großfürst disen Wlodimirum treulosheit / vnd meinedes / als wenn er es mitt dem Curpiski hielte / vnd ahn denselbigen brique inn die Liddaw geschreiben hette / liesse inen derwegen als baldt gefenglich einzihen / vnd nach dem er lange zeit in gefengnuß gelegen ware / heraus thun / für sich zu Alexandrowa stellen / inen martern / vnd peinigen / vnd nach dem er nichts bekant / aber zu todt gemartert ware worden den leichnam ins wasser werffen.

Auch hatte ein trefflicher / vnd berühmter Kriegsmann Basilius Dimitrouicius genant / etliche Altalarei / vnd buchsenmeistere / so von Moscowitern / so auch teutschen vff ein zeit vbergeben / vnder denen zwene vnderstunden auszureißen / sind aber gefangen wordē vff der Liddawisch grenzel / vnd als bald für den großfürsten gebracht welcher damals inn einem festen schloß Wosochada genant ware Dieselbige haben

habē durch groß marter bekandt (aber felschlich) wie ir oberster Basilius Dimitrowis sie jnn Liddawc habe geschicket.

Hieruff hat der großfürst denselbigen Basilium für sich lassen kommen auß der Moscha / vnd vffs grausamste peynigen. Er hat aber inn der grösssten marter / bestendig gesagt / wie er solches alles vnschuldig sei / auch daß er solchs niemals ihm inn sinne genommen habe. Daruff hat der großfürste beuolhen / dz man eine blinde mehrre solte pringen vnd jnn einen farkhe spannen / daruff hat er inen binden vnd die mehrre jnn ein fliessend wasser treiben lassen mit disen wortē. Sihe da habe ich dir eine herliche mehrre gebē / Sihe nuhn hinen zum Könige auß Polen.

Die mehrre schwamme mitten jnn wasser / der fürste sahe zu was es für ein ende wolte nemen. Aber die mehrre schwamme nach dem lande / Da stiesse der trabanten hauptmann sie mitt einem schiffhacken / vom lande dz er möchte beim fürsten danck verthienen / dz also sie mitt irem rewter / wiederumb muste inn strome kommē / Da sprach der herzog mitt grossen freuden / O Wie recht / dz diß thier also ist mit seinem rewter ersoffen.

Vff ein zeit als der großfürste nach dem Newogrodischen lande zohē / begabe sich da ein reisiger eines fürnehm herren thiener vngesfahr für ihm hin / ritte / Denselbigen hat er heissen zur linckenhand reiten vnd auß zorne beuolhen dz man inen zu stucken hawen / vnd die stucke seiner gelider jnn den tiffesten fate werffen solte.

Alhn was iachte der großfürste ahn
mehisten lusten hat.

Cap. 17.



Anters zeit/wenn etwa
Der großfürste mit seinem Sohne
aus seinem schloß heraber sihet/ daß
viel volcks vff dem eise gehet/ beuil-
het er/dz mann drei/odder vier Berē
vnder sie heken solle. Als denn ent-
laufft wer da mage/die andern wer-
den von Beren zerrissen/ Hierüber
erlustiren sich vatter vnd Sohne/vñ haben freude. So dann
etwa ein armer manne sich beclagt vber seinen sohne/der ihm
also sei vmbkommē/odder ein weibe/dz sie iren manne ver-
lorē/ Als beüilhet er dz mann inen einen goltgülden soll ge-
ben/vnd helts dafür er habe inen grosse gnade ahn dem er zeis-
get/dz er sie hat lassen vorkommē/vnd ire clage ahngehöret/
Wenn sie aber sagen es sei schendlich/vnd vbel gehandlet.
Sagen des großfürsten rethe/ Der fürst sampt seinem sohne
haben iren lusten damit gehabt/darumb sie es nicht sündel/
Da auch für den großfürsten selbst vber solcher tadth appels-
lirt wirdt/ lasset er inen hundert odder dreihundert Mosco-
uitische silber groschen zalen.

Es begibt sich auch vil mals wenn der großfürste inn sei-
nem schlos Alexandrowa sihet/vund gedeneckt wie er einen
fürnemen manne welle vmbbringen lassen/ So beüilhet er/
daß

Das man ihm eine Berenhaut ahnzihen / vnd auß führen
 solle / Darnach hezet er ahn inen ettliche rüden / vnd Engli-
 sche hunde / vnd dieweil sie meinen es sei ein Beere / zerreißen
 sie inen / vnd lassen inen ligen.

Von einer gantz vn menschlicher vnd
 grausamer thach so der großfürste
 ahn ettlichen gefangenē / Lid-
 dawern · Neussen / vnd
 Polen geübt.

Cap. 18.

Ad Zarenach Chri-
 sti geburt tausent fünffhundert / vnd
 neun vnd sechzig / ahn neunten tage
 Januarij als die Liddawer ettlich
 volck versamlet haben / vber welche
 Polubiensius ein dapper mann / ober-
 ster ware. Haben die vnuerschens die
 Stadt / vnd schlos / Ziborg / so irer ge-
 legenheit nach seer feste warē / erobert / Dieselbige Stadt
 ware zuuor dem Moscouiter vnderthon. Dieweil sie aber
 nit wol prouihandirt / vnd starck besetzt worden / hat sie der

§ 4

Moscowiter bald widerumb einbekommen/ Dieweil aber
 der Moscowiter darüber ergrünet ware/dz er ein solche feste
 Stadt hatte verlöre/beuilhet er/dz man alle gefangne/ von
 Liddawern Reussen/ vnnnd Polen grausamlich vmbbringen
 solte/ Hat er Doch auß etlicher Rath/ welche auß beweglis-
 chen vrsachen ihm widerrieten/solchs nicht zuthun / damals
 solchen grimm fallen lassen/vnd wiewol er jrer damals vers-
 chonet/hat er doch hernacher sie alle erwürgen lassen/ Hat
 seinen trabanten beuolhen/ dz sie auß allen gefengnussen inn
 der grossen Stadt Moscha/die gefangene solten zu sammē
 führen/vñ fürnemlich die ihenige/so inn dē vier schlossern/
 Pereslauiā/Kostovia/Vchlicia/vñ Costromalagen/(Den
 inn denselbigen waren eitel Polen/Liddawer/vnd Russen/)
 Disse alle hat er mit weib vnd kindern lassen vmbbringen/
 vnnnd ins wasser werffen/Mitt solchem beuelch sind die tra-
 banten vff dieselbige schlosser gezogen/ vnd haben dissen bes-
 truge mit den armen leuten gebraucht/vñ zu inen gesagt.
 Der grossfürst wil euch grosse gnade erzeigen/ vnd solchs
 dem König auß Polen zu ehren/dz er euch alle widerumb
 will leddig lassen/ inn die liddaw zuzihen Deswegen wellen
 mir euch zu den Rāthen beleiden/ Mittler weilen sollen
 ewre weib vnd kinder allhie ewrer drei tage harren/ Nach
 dem sie die aber weit von iren weib/vnd kindern hinweg hats-
 ten geführet/haben sie inen hende vnd füsse gebunden/vñ sie
 inn die Wolge geworffen/ Vber drei tage hernach hat einen
 Moscowiter der armen weiber / vnd kinder gedawret/ der
 sagt zu inen. Ah ir arme seelen/vnd elende weiber / Es wirdt
 euch nicht anders/ als auch ewren mennern ergehen/ welche
 in der Wolg erseufft sind/ Da nuhn disser Moscowiter also
 mit den armen leuten redet/kommē die trabanten dero hē-
 de

de von dem bluth irer menner noch blutig waren/ vnd begereten weiter mordem/ vnd fuhren die arme weiber/ sampt iren kinder auch hinweg/ sie zuerseuffen/ Als sie nuhn ahns was, er kamen/ vnd die arme leute iren so erschrocklichen todt fur augen sahen/ hatten sie mitt grossen weinen mannu wolte inen doch eine geringe frist gounen/ das sie ire sunden Gott bekennen/ denen vmb verzeihung bitten/ vnd sich inu seine gnade vnd barmhertigkeit ergeben mochten/ welches inen vergonnet/ vnd zugelassen ist/ Also bettetten sie zwoganger stunden/ vnd rieffen Gott trewlich ahn/ das er sie zu seinen gnaden nemen wolte/ vnd nach dem sie etliche Psalmen gesungen hatten/ schicketen sie sich darzue/ das sie Gott ire selen mochten vffopferē/ sahen ein ander erbermlich ahn/ vñ trösteten sich vnder ein ander/ Darnach/ fuhret mannu sie bei das wasser/ Da namen etliche ire kindlin ahn die hende/ etliche hiengen sie ahn die bruste/ dieweil aber solcher erschrocklicher tod sonderlich weibs bildern/ fast abschewlich/ erhube sich ein gross ihamer geschrei/ das bis in himel hies aufferschalle/ Aber die vnbarhertzige trabanten trödeten inen/ vnd trungen sie das sie sich selbst ins wasser sturzen solten/ vnd als sie sich dasur entsaken nemen sie die vnd stiehsens mitt den kindern ins wasser/ das damals mitte eise giengē/ Das volck aber so disen ihamer sahe kundte sich weinens nicht enthalten das solche arme leute so erbermlich/ vñ vnschuldig wurden vmb leben gebracht/ vnd hatte missfallens ahn disser henker grawsamkeit.

Da aber die trabanten solche middleidige reden vom volck vernamen/ vnd dz es ahn disen handel keinen gefallen hette

Ⓞ

Betrost en sie dz volck / vnd triebens mit brugeln hinweg/
Sagend jr vffrührische leute/ nuhn sehen wir dz ir ewrem
fürsten nich trew vnd hold seit/dieweil ir euch vber disser tod
bekümmert/ wolahn sehet zu das es euch baldt nicht auch
also gehe.

Wie der großfürste Seinen leibli-
chen bruder hat vmbbracht/

Anno 1570.

Cap. 19.



Es großfürsten leibli-
cher bruder ware durch einen/ seiner
Kethe mit namen Erzeuak Wis-
konati beim fürsten felschlich abnges-
ben worden/ Vff solches abngeben
hat er seinen bruder nicht lassen zur
verantwortung kommen/ Sondern
beuolhen/das man inen vffs grau-
samste wie nur die marter mugen erdacht werden/ peinigen
sölle/ jnn dem er nuhn dermassen gepeiniget wird/hat er ihm
alle seine sache bekennen müssen/dieselbige sampt allen sei-
nen gütern ligende/vnd fahrende/hat er zu sich genommen/
vnd nach dem er also vff de todt gemartert ware/hat er ihm
lassen den kopf abschlagen. Darnach hat er seines bruders
weib/

weib/welche vff der erden für ihm lage vnd batte vmb gnade durch die trabanten nackend lassen aufziehen.

Dz sie lange zeit also emplosset hat für menniglichen stehen müssen/ Endlich hat er einem lanscknecht beuolhen / daß er sie ahn ein seile binden/vnd inn vollem rennen inns wasser schleiffen vnd erseuffen solle / Also hat der vnarmherzig großfürste/mitt seinem bruder/vnd bruders weib vmbgangen.

Wie die Moscowiter sich vnder ein ander pflegen lieb zu haben.

Cap. 20.

Es sind die Moscowiter also geschaffen/daß keine vffrichtigkeit / vnd redlichkeit bei inen ist/vnd auch keiner gegen den andern eine rechte natürliche liebe hat / Es darff auch einer den andern gāß vnuerschampt etwas ahnzeihen/ vnd beschuldigē heimlich odder öffentlich/dz er nie gedacht/ viel weniger gethon hat/nur dz er inen zu vnglücke bringen müge/diñ ist bei inen gemein/dz der vatter wider den Sohn/ der sohn widder den vatter ist/ vnd ein bruder den andern verrathen thuth / summa es ist vnder inen kein glaupe/ noch trewe/vnd durffen einander wol inn ahngesicht ired fürsten schelten.

Also hat es sich eins mals begeben Anno 1570. daß

Ⓞ 2

zwen leibliche bruder vom adel/dero der erste/Mificta Sboz
 linski genand/vnd der seinen nahme vnd geschlecht verleug-
 gnet/vñ verandert hette/dz der grossfürste solchs selbst höret/
 vnd sich Powrozowski genand/welches vff Moscowitisch
 heisset ein galgen vogel/ Der ander aber behielte seiner
 stamm nahmen/Derselbige als er seinen bruder anredet/vñ
 nennet inen Sbohnski/gienge er bald in grossen zorn/vñ
 grimm zum grossfürsten/vnnd verkladt den bruder/sagend/
 Durchleuchtister fürst/ich bith du wollest mir rechts gestat-
 ten gegen meinen bruder/denn er hat mich geschmecht/vnd
 geohnamet/ich heiss Powrozowski/vnnd er hat mich Sboz
 linski genent/

Darumb bitte ich/du wellest inen straffen/denn er hat
 mir nicht geringe schmach hie mit zugesöget/ Da leset der
 grossfürste seine räche zu sammen kommen/gleich als weñ
 eine gross wichtige sache zuberahtschlagen fürhanden were/
 vnd sprach zu inen/jr müisset disse sache zwischen den beiden
 brudern wol erwegen/vnd mit gutem bedacht was deswes-
 gen Recht ist darinen vrtheilen/Als bald tritt der ein bruder
 welcher seines geschlechtes/vñ stammes nahmen verendert
 hette/für die Rache/vnd begeret Rechts gegen seine bruder/
 Als aber der ander bruder welcher seinen namen behielte/
 vnd verthedigete/fur gericht Kompt/Greiffet der ander in
 mitt gewalt abn/vnd wirffet inen einem beren für/Als aber
 der beer sich mitt ihm lange gearbeite/vnd müde worden
 ware/hawet der bruder seinen leiblichen bruder mitt der we-
 hre inn einen schenckel/das viel bluths auß der wunden liefs-
 se/Dasselbige bluth strich er dem beren abn die nasen/dz er
 es lecken mochte/dauon wurde er beissig vñ setet widerumb
 abn den edelmann/vnd richtet inen ganz vbel zue/Als nuhn
 sein

sein bruder vermeine/das er sich gnugsam ahn ihm gerochet/
 lieffe er zu/ vnd wolte dem beren wehren/ das er inen niche
 gar umbrechete/ Der bere aber ware dermassen wutig/ vnd
 ergrimmet vff inen/das nicht allein er/ sondern viel andere
 mehr/inen schwerlich retten mochten/ Doch ist er endlich
 vom beren gezogen worden.

Ein gleicher fall hat sich auch zugetragen da der groß
 fürst die Neogrodische grenze mit feur vnd schwerdt ver
 derbete/als droben ahngezeigt ist/hat mann etliche gefan
 gene vom adel inn die Stadt Mosca geführt/vnder denen
 ware einer mit sein weib/ vnd kindern/ denselbigen hat er
 bevolhen seiner hofthiener einem auch vom adel vnd dessen
 verwandten zu verwahren.

Als er nuhn lange zeit ware gefangen gewesen hat
 er vff ein zeit beclagt/wie der grossfürst mit den Newogro
 dichen so grawsam hab gehandelt/vnd was er ihm/ vnd der
 ganzen rittersthafft/ im lande/ für vnbilligkeit bewiesen/
 vnd das er mit seinen vnderthonen dermassen handle/ das
 vnmöglich sei das sie es erdulden mügen/ mit mehrern
 worten/ Das der gerechte Gott ohn allen zweifel ein mal
 solche tyrannei/vnd so viel vergossenes vnschuldiges bluth/
 rechnen/vnd dem grossfürsten/ vnd seinem geschlechte vber
 iren kopfe schütten/vnd seinen verthienten lohne geben wer
 de. Vber etliche tage hernach als er sich bedachte/das er zu
 viel geredet/vnd besorgete/der Edelmann/ sein verwandter/
 vnd freunde/möchte etwa solchs für den grossfürsten bringē/
 Dencket/ es sei dz beste dz er solchs seinen freunde vffdichte/
 Schreibt derwegē eine Supplication ahn den grossfürsten/
 darinnē er vermeldet wie sein houē thiener solche wort vff dē
 grossfürstē gesagt solte habē/vñ gibt dēselbigē seinē freunde

die Supplication selbst / dz er sie von seinet wegen dem fürsten sollte oberlüfern / als er denn auch gethon / denn er wuste nicht was darinnen stunde.

Nach verlesener Supplication beuilhet der fürst dz man den Newogrodichen gefangnen edelmann für inen bringen Als bald wie er für den fürsten kompt / leget er ganz vnuerschamt alles vff den hoffthiener / der inen hatte gefanglich gehalten / vnd sagts für ein ganze warheit / mitt solchen worten. Grosmechtiger herr / vnd fürst / Du plagest vns deine getrewe vnderthonen vnd thiener wilfaltig lessest vns zu stucken zerhawē / nimpst vns / vnser guth / habe vnd nharung / heissest vns veräther / rebelln / vnd trewlose / vnd werden vns viel andere schwere sachen vffgemessen / deren wir doch allzumal vnschuldig sind. Wenn du aber wustest wie deine eigne hofthiener dich hasseten / vnd die ihenige / denen du ahn besten trawest vnd denen teglich viel guts thust / dir so vntrewe weren /

So wurdest du redlich mitt inen vmb gehen / vnder denselbigen ist der vom adel / bei dem ich gefangen lige der rechte mann / Denn ahn gesterigen abend hat er inn meiner gegenwart / vnd das ichs selbst gehört / solche wort gesagt / D woltte Gott bald die vnschuldige leute von der tyranei des großfürsten erretten / Dann er plaget vnd martert sie ganz grausam / erwurget viel vnschuldiger weise / nime inen / wider alle billichkeit ire guter / Deshalben Gott ohn zweifel inn einer kurze inen straffen wirdt / vnd solchen tyrannen mitt seinen ganzen geschlecht / das dauon keiner nach ihm regieren müßge / vertilgen. Hieruff ergrimete der fürste / vnd sagte zu demselbigen hofthiener / so also felchlich für ihm ware ahn gegeben / Du trewloser böswicht / hörestu was differ vff dich

dich redet/ vñ als bald ohn verhörter seiner verantwortung
 lesset er inen martern/ vnd peinigen/ Als er aber nichts bes
 fandt/ vñnd saget/ wie solchs vff inen erdichtet were/ besilhet
 er/ dasz mann inen zu stucken hawen/ vnd ins wasser werffen
 solte Also hat disse edelmann/ mitt einem solchen vnadeliz
 chen stucke disen vnschuldigen mann vmbz leben bracht vnd
 mitt seiner lughafften zungen durch eines andern verders
 ben ihm sein leben/ vnd erledigung erlanget.

Erbarmlicher morde zweier Mosco
 witschen herrnn/ vnd etlicher gefan
 gner Liddawer vnd Polen/ deren
 der großfürst ohn langst hat
 te verschonet gehabt.

Cap. 21.

Ad Jare 1570. als
 des Königs auß Polen gesandten
 vff des Prophetē S. Eliaē tage wels
 ches fest die Reussen gantz heere hal
 ten/ warē abgereisset/ Saz der groß
 fürst vber essen/ vnd als mann die
 zweite trachte vfftrugel/ sehret er
 gleich als weñ er vnsinnig were vom
 tisch auff/ vnd spricht zu seinen trabanten/ volget mir nach

Ⓞ 4

als balde volgeten sie ihm // vnd darzue fünfzehnen hundert
 reißiger. Darinnen der fürst sporen streichs zum schloß zu/
 vnd stellen sich die trabanten/vnd reuter vmb das schloß he-
 rumb/im selbigē schloß wonet ein grosser Herr/vñ berühm-
 ter kriegsmann/ Petrus Serebrinus genant/ inn desselbi-
 gen hause bewilht der fürst/dz die trabanten einfallen / vnd
 dem herren den kopf abschlagen sollen/ Als balde geschichts/
 dz sie den herren fangen/vnd für den fürsten bringē wolcher
 ohn einige verhöre odder vorgehende beschuldigung was er
 solte gethon haben durch seiner trabantē hauptman Sawa-
 tow genand mitt einer arte ihm den kopf hat abschlagen las-
 sen/vnd nach dem er auß dem hause/ was ihm gefallen / von
 des Petri Serebini gütern genommen/hat er das vberige
 den trabanten preis geben/ damit auch nichts vber pleibel
 hat er beuolhen das vberig zu verbrennen.

Nach dem er dieses ausgericht/hat er sich ahn einen anz-
 dern ort gewendet im schloß Denn es ist ein weit schloß das
 rinnen viel Herrñ/vnd vom adel wohnen/vnd seinem Mars-
 schalk Bulat beuolen dem herñ Michoiedi ins hause zu fal-
 len/ Dissem hatte der großfürst nicht ganz für einem iare
 seine hausfrawe/vber auß ein schon weib/sampt einer magte-
 nemen vnd nach dem er sie geschendet / vber sein haustüre
 hengen lassen/wie droben ahngeregt/ Desselbigē hause stür-
 men sie/vnd erobern/ Den herren aber zihen sie her auß/vff
 den markt/vnd schlecht im der Marschalck das haupt ab/
 Tritte darnach mitt dem blutigen sebel/vnd henden für den
 großfürsten/vñ sagt/ Als wenn er etwas mannlichs aufge-
 richtet hette Grosmechtigster herr vnd großfürst/ ich hab rit-
 terlich volbracht was du mir beuollē hast/ Daruff schrie der
 fürst/nach seiner gewonheit Hoyada Hoyada/vnd als bald
 rieffen

rieffen auch die andern also/ Auß dem schloß ist der fürste darnach für die gefengnuß gezogen darinnen die Polen vñ Liddawer gefangen lagen/ Daselbst sahe von weitem ein Moscowitischer kaufman den fürsten mit seinẽ strabanten vnd wuste nicht was da zu thun ware/ gieng derwegen auß furchte zu rucke/ Denẽ beualhe der fürst als bald zu greiffen/ vnd zu stucken zuzerhacken mit abngehefften worten/ Du solt nicht mehr fliehen für deines herren abngesichte / Als nuhn der fürst neher zum gefengnuß kommen ware/begegnet ihm der kerkermeister selbst/ vñ wolte brot für die gefangene bestellen/ vnd als er den fürsten ersah/ entsast er sich auch für ihm/ vnd wiche zu rucke/ Als baldt lesset er inen auch zu stucken haben vñ sagt/ Du solt dir nicht mehr furchtẽ / Wie er nuhn für das erste gefengnuß kompt/ sagt er zum hütter er solt als bald vffmachen/ der mitt ziterenden henden kaum vffschliessen kundte/ Nach geoffneter gefengnuß/ beuilche er/ dz man die vom adel Polen/ vnd Liddawer welle her auß bringen/ vnder denen ware ein Polischer edelmann/ ein dapperer kriegsmann Petrus Bickowski demselbigen hat er selbst ein spiese inn die brust gestochen/ Derselbige aber ist so gros-muthig gewesen/ daß er den spiese selbst auß der brust gezogen/ vnd denen durch den großfürsten / ihm damit einen ewigen ruhme zü machen dz er einen solchen grausamen tyrannen/ vñ feinde des menschlichen geschlechtes vffgeriben hette stossen wellen.

Aber als der fürste solchs ersehen / hat er seinen sohne ahngeruffen daß er ihm wolte zu hülffe kommen/ welcher eilends geloffen kommen/ vnd denselbigen Petrum mitt einem spiese gestochen / dz er darnider gefallen/ Der zweite so gemeßetwarde / ware auch ein Pole Albertus Bugascki

H

genant ein adel man / denselbigen hat der großfürst selbst
auch mitt seinem schafalein durchstoehen / der dritte ware ein
Schlesier / gutes geschlechts Basus genant / weleher auch
also ist vmb kommen / Nach dem er mitt eigener hand disse
treffliche menner dermassen hatte vmbgebracht / rieß er
gleich als wenn er eine mannliche thadt begangen / nach sei-
ner weise Hoyada Hoyada / vnd musten die mitt ihm waren /
dergleichen auch zuschreien / Ferners redet er seine trabans-
ten abn / vnd sprach / Ir liebe gsellen mecket dapper / fallt in
die gefengnuß hinein / vnd was euch fur kompt das zerhackt
ohn alle barmherzikeit / vff solchen beuelch bringen sie inn
dem ersten gefengnuß 50. vmb. Darnach geht er zuden
zweiten gefengnuß / vnd ersticht mitt eigener hand auch drei
vom adel / vnder denen einer ein Neuß / zimlich betaget / Jac-
cob Molski genant / der ander sein tochter mann / ein Polnis-
scher ritter / Jacob Molski / der dritte auch ein Polo / vnd
nach dem er Hoida geruffen / vnd iedermann desgleichen zus-
geschrien / hat er beuolhen dz die trabanten die andere zerhas-
cken sollen dero 55 gewesen sindt / ausgenommen die kleine
finder / weleher etliche vber sieben tage nicht alte waren / Als
er zum dritten gefengnuß kommen hat er abermals mitt ei-
gen handen eine ritterliche tadth bewiesen / vnd drei vom ad-
del / Polen / vmbbracht andere 55 aber von den trabanten mitt
sebeln vñ artē zu stuckē zerhaben lassen. Nach solcher grau-
samer vnd vnerhorter / gewbter tyrañei / hat er die zerhackete
corper vff der erden / die von bluch ganz weich war worden /
ligen lassen / vnd ist freidig vnd triumphirend inn sein palast
gangen / denselbigen ganken tage mitt tanzen springen / sin-
gen / vnd frohkeit zubracht / gleich als hette er einen grossen
sieg von seinem feinden erlanget vmb den abend hat er be-
uolhen

uolhen dz mann die stucke der zerhackten leichnamen zu sam-
men samlen/ vnd fur die Stad vff hauffen legen solle / wel-
che denn vff drei hauffen gelagt/ vnd mitt sandt/ vnd erden
sind bedekt worden/ Dis ist ir begrebnuß gewesen/ vnder den
leichnamen ware eines vom adel weib des hern von Wolstki
die ob sie schon ihemerlich verwundet / doch noch nicht tode
ware disse hatte die todten graber dz sie mochte lebendig ges-
lassen werden/ vnd irer verschonet werden. Aber sie haben
sie ohn alle barmhertikeit lebendig begraben mitt dē andern
todten leichnamen.

Zwene vom adel sind von dissen gefangnen noch va-
brig gewesen/ welchen der Tyranne des andern tages die
köpfe abschlagen/ vnd die corper für die Stadt werffen
lassen/ Daselbst so viel todter lichname lagen ware nur
ein wenig sandt vber die gestroet/ welchs derfürste mitt
vleiß beuolben damit sie von vögeln / vnd tieren
möchten gefressen werden. Ahm drittē tage her-
nach ist ein teutscher buchsenmeister dahi-
nen kommen/ vnd auß erbarmung/ vnd
mitleiden ettlichen drei taler ges-
chenckt/ die eine teeffe gruben
machtetē vñ die leichname
darein würffen/ vnd
begräben.

* *

H =

52

Von der grausamen morderei / so der
großfürste ahn seinen trefflichsten
herren / vnd Rechen gewo-
bet hat.

Cap. 22.



In S. Jacobs tage
Im Jahr 1570. inn der Statt
Moscha / hat der großfürst achtzehn
hoher pfele / odder posten lassen vffri-
chten / vnd daruber gleich so viel bals-
cken inn die zwerech / gleich als wenn
es galgen sein solten / Die burger als
sie sahen / daß man ein solchs geru-
ste thete machen / entsetzten sich druber / vnd flohen teils das
von / verliessen ire gaden / vñ werckstedte / vñ durste keiner sich
offentlich vff den gassen sehen lassen / Dañ es ware vnderm
volck ein geschreie erschollen / wie der großfürste bei sich ent-
schlossen were / alle burger inn der Stadt Moscha vmbzu-
bringen / vnd daß der mehrer theile von denen solte erhans-
gen werden / Damitt auch die trabanten solche furchen / vnd
schrocken bei inen grösser mechten / trugē sie allerlei rüstung /
darmit man die leute pflegt zu martern vnd zu peinigen
vff den marck / vnd legtens bei die pfele / Darnach macheten
sie ein helles fewr / vnd hiengen daruber einen grossen kessel
mitt

mitt wasser / welchs sie etliche stunde sieden lieffen. Nach dem solchs alles dermassen ist bestellt gewesen / Kame der groß fürst mitt vielen seiner trabanten begleitet / gleich als wenn er wider den feind zihen wolte / Es volgeten ihm auch 1500 reuter. Es stellet sich aber der fürst selbst bei den fessell / vnd sein kriegsvolck machete einen ringe vmb inen.

Bald bracht man 300 Moscobitischer vom adel / aus den eltesten / vnd besten geschlechtere / welche zuuorn dermassen zermartert / vnd gepeiniget waren worden / daß sie meher theils halb tod waren / vnd vff den fussen nicht stehen kundten / von den kriegsleuten aber wurden sie gestossen vnd geschoben für den großfürsten / wie dz vihe. Der fürste / als er sahe dz keine burger zusahen / vnd meher theils sich verborgen / vnd verstecket hatten inn ire hewser / ritte er durch alle gassen vnd rieffe mitt lauter stimme / jr burger trettet herfür ohn alle sorge / vnd sehet zue / ir dürfft euch nichts befahren / ich will euch nichts thun / dz sage ich euch zue / wiewol ich willens gewesen euch zu verderben / aber ich bin anders sinnes worden / Darumb dürfft ir wol sicher herfür tretten / vñ zu sehel / Hieruff ist dz arme volck hauffenweise vff den marck gekommen / vnd ist so vol gestanden / dz etliche vff die tache haben steigen müssen / damit sie sehen möchten was solchs spile für ein ende nemen wurde. Dieselbige redet der fürste vff solche maß ahn / Ir vnderthonen / thue ich ihm nicht recht daß ich meine trewlose / vñ meineidige verrether also straff. Daruff dz volck einhellighen antwort / Der König vnd fürst welle langwierige wolffart / vnd gluckseligkeit haben / vnd die boswichter wellen ire gebürliche straffe leiden / Darnach bewilhet der fürst daß man auß den verurteilten / 180 welle bringen / vnd redet seine edelleute welche derhalben dahinen

Komme waren daß sie sehen was man wurde ahnfangen/
 vff disse weise ahn/ Sihe disse schencke ich euch/vnnd friste
 inen daß leben nemmet sie hin denn ich lasse sie loß/vnd vers
 gibt inen alles was sie widder mich gethon habē/ solchs aber
 alleß auß lauter gnaden vnd ahngeborner milrkeit / Also
 sind dieselbige damals ledig worden. Darna ch ist deß groß
 fürsten oberster Secretarius herfur getretten/der hatte eine
 verzeichnus der verurteilten namen/ vnd hiesse zum ersten
 einen Moscowiter/von dem eltesten geschlecht / vnd der des
 fürnehmste vnd geheimste rathe deß großfürsten ware gwe
 sen/mitt namen Michaelowick/Wiskowoti/furfodern/ vnd
 hielt ihm für ein lang register vieler dinge dero er doch
 ohnschuldig/ware beschuldiget worden mitt solchen worten
 johann Michalwick wilkowati deß großfürsten cankler hat
 trewlose/vnd maineidig ahn seinem fürsten gehandelt/ Den
 er het ahn dē König auß Polen geschriben wie er ihm seines
 fürsten stadt Newogrod sampt der festung/wölte vberants
 worten/ Dis ist der erst punct/vñ hat inen mitt einer geisslen
 vff den kopff geschlagen/ mitt fernern worten/ Du bist trew
 los vnd vndanckbar die weil du so vbel ahn deinem herrn
 gefahren/ Daß ander meineidige stucke ist/ dz du dem Tur
 kischen keiser zugeschriben/ er solte komen vñ die Schytische
 Königreiche/dz casanisch/vnd Astrensische/einemen/wie er
 gern gewolt hette/vnd nach solchen worten hat er inen aber
 mals mitt der geisseln vff den kopff geschlagen / vnd gesagt
 daß er seinen fürsten mitt betruge/vnd listen habe verrathen
 wollen/ Dz dritte böswicht stucke so du hast begangē ist/dz du
 dem Schytischen keiser zugeschriben/ vnd inen vermhanet
 hast/etwölle inn die Moschow fallen/die plundern/ vnd eines
 men dadurch die Tattern vns grossen verdeblichen schaden
 mit

mitt irem einfall gethon / viel des fürsten schlosser geplun-
 dert / die armen leute ihemerlich erwurget / gefangen / vnd
 hinweg gefuhret haben / Disses vnglucks vrsacher bistu als
 lein / darumb soltu auch billich vffs hõste gestraffet werden /
 vnd inen zum dritten malle ganz vbel mitt der geisselen ges-
 schlagen / Hieruff antwortet der from mann / welcher sol-
 cher sachen keine / dero er beschuldiget warde begangen / vñ
 sprach / Ich bezeuge eß für Gott der aller herzen vnd nieren
 Kundiger ist / für welches ahngesicht ich mich für einen ar-
 men sündler bekenne hoffe doch er werde sich meiner vmb dz
 bluths seines liben sohns Jesu Christi willen erbarmen / dz
 ich alle zeit meinem fürsten vñ herren binn trewe / vnd holdt
 gewesen / inn meinem ampt / wie eß sich gebüret hat / Veruffe
 derwegen mich von meinen falsche ahnlegern für den rich-
 ter stule Gottes / dz sie mir gewalt / vñ vnrecht thun / vñ werde
 solcher betrug ahm iungsten gericht entdeckt werden / Dz
 du fürst daselbst meine vnschuldt solt erfahren wenn du für
 der Magestat Gottes stehen wirst / ob wol ietzunder keine
 entschuldigung bei dir mage stadt finden dz ich mich von dis-
 sen falsche vfflagen muge entledigen / Denn du bist in geiz
 hast / vnd rachgierig als dermassen ersoffen / dz dich nach mei-
 nem bluth dürstet / darumb sauff dz / nach deinem wolgefalle /
 vnd erfülle deinen lusten / vnd willen wie du dir wieder mich
 hast fürgenommen / Jekunder hat eß wol einen schein / als
 wen dein geticht ware were / dieweil du alles mitt gwald han-
 delst / Daruff sagten die trabanten / Nun sehẽ wir dz du disses
 alles schuldig bist / dieweil du dem fürstẽ also darffst zuspres-
 chen / Du hast vbel gehädlet / den wir habẽ deine wort wol er-
 wogẽ / Der Cãzler antwortet daruff / Dir elende leute ir seit
 wie ewer fürste rauber / vnd richtet seine vnbilliche beuelche

auff/vergießet vnschuldigs bluth/ vnd vber tyrannei.

Alles was mir fürgehalten wirdt/ ist erlogen/ Aber euch
 ist nicht leichter/ als einen vnschuldige menschen vmbbrin-
 gen/ Aber es wirdt ein male die zeit kommen/ daß Gott euch
 auch wie ir verthienet habt/ straffen wirdt/ dessen ir euch ise
 under nicht besorget. Hieruff beualhe der großfürste / dz die
 henecker inen ahnemen sollten/ Darumb zohen si inen auß
 vnd banden inen ahn eine der selbigen sewlen/ vnd hencfeten
 inē mitt den füßen auff/ Darnach sprach der trabantē haupt
 mann zum fürsten/ wie er wolte/ daß er vom leben zum todt
 solte gericht werdē/ Antwort dr fürst/ Ir meine hoffgesinde
 allzumale solt inen martern vnd zerreißen/ Als bald steige
 der hauptmann Woluw von seinem pferde abe/ nimpt ein
 messer/ vnd schneidt ihm dz rechte ohre abe/ Ein anderer dz
 lincke/ der dritte/ die lippen/ vnd also ein ieder etwas / dz sie
 alle solches mordts sich teilhaft macheten/ lezlich vff daß ia
 ahn keiner grausamheit es feulete/ schnitte ihm einer von
 des fürsten Secretarij dz gemechte auß/ daruon starb der
 fromme Cankler/ Als nuhn der fürste sahe dz er dauon esto-
 cher ware verstorben/ thete es inen höchlich verdriessen/ fluch-
 chtedem Secretario/ vñ sprach/ Du schelm/ harre ein wenig/
 was diser hat sollen essen/ dasselbige mustu auffressen/ Dann
 er meinet genzlich dz er auß middleiden solchs gethon / das
 mitt er deste eher der marter abkeme/ Hat also ihm furges-
 nommen den Secretarium mitt einem grausamen tod vmb
 zubringen/ Aber Gott hats vorkommen/ denn vber wenig
 tage hernach ist er ahn der pest gestorben/ Darnach haben die
 trabanten den leichnam vom pfale abgenommen/ den kopf
 abgehawen/ vnd zuriemen zerschniten/ Ein solch ihemerlich
 ende hat disser trefflich manne/ dessen von geschicktheit/
 weisheit

weisheit vñ tugēd dz Moscowitisch reiche gleichen niemals gehabt hat / genommen.

Zum andern/hat er seinem Cammermeister lassen furstelle/ der hiesse Michel Funicow ein furtrefflicher/vnd geschickter mann/ des Canklers trwer gsell / vnd freund/ Derselbige hat nicht viel wort zu seiner entschuldigung gebraucht/sonder Kurzlich also geredt/ Ich appellir/ vnd besruff mich fur Gott/der alle dingeweisse/ vnd alles sihet/ Dz ich die tage meines lebens wider dich meinen herren nichts vnbilliges gethon/sondern inn allem trewlich/vñ vffrichtig gerhienet/ Diewil du mich aber vnbillich vnd felslich ahnclaggest/vñ beschuldigest/so citire ich dich fur die Gotliche Maestet/ Dz du mir fur derselbigen wellest antwort gebē/ Nach dem er solchs gesagt/bewalhe der großfürste dz mann inen aufziehen vñ gleicher massen wie den Cankler vffhenken solte/ Darnach hat der Molütwein ein kübel mitt sied heissem wasser auß dem grossen Kessel/vnd der Marschalch ein andern mitt kaltem wasser geschöpft/vund mitt dem kalten wasser erst ihm dz haupt gezwagen / Darnach dz heisse vber inen gegossen/biß sich die haut zu sammen gezogen hat / vnder des schrie der arme mann ganz erbermlich / Aber die hencker liessen sichs nichts anhehen / sondern gussen immer mehr auff/ biß er starbe.

Zum dritten ließe er seinen Rochebringen / welcher vieler dinge falschlich beschuldiget ware/differ ist getödtet worden wie der Cankler.

Darnach hat er einen Georg Czapkingenant/welcher sein schreiber vnd Secretarius ware gewesen/mitt weib / vñ findern/lassen bringē/ denē hat Basilius Themkin als inen der fürst hatte vom pferde heissen herab steigen enthaupten

J

müssen/desgleichen auch seine weib/vnd Kinder/ Disser Basilius Themiwa war auß der Lidda verwiesen/vnnd inn die Moscha gewichen/dieweil er den Pfalzgrauen von Plozen erschlagen hatte/vnnd war vnder des großfürsten hern fast der fürnemste.

Fürters ist der ander Secretarius Johann Bulhakow genant furgeführt worden/denselbigen hat der Pfalzgrau von Chirnowiß/mitt weib/vnnd Kinden enthaupten müssen.

Er liesse auch seinen Secretarium Basilius Stepanow als bald ohn verhöret durch einen seiner houethiener enthaupten.

Lechlich das er ie nichts vnderliesse damit solch ihemerzlich spectakel desto grausamer wurde/hat er 200 gefangener vom adel für sich bringen lassen/vnd zum todt verurtheilt welche seine hofe thiener nach ein ander haben enthaupten müssen/vnd nach dem sie iren beuelch verrichtet/tratten sie mit blütigen henden/vnd wehre für den fürsten/vnd rieffen! Hoyada Hoyada.

Also schendlich haben sich seine hofftiener mitt vnschuldigem bluth befundlet.

Eben zur selbigen zeit befalhe er auch dz man einen ehrlichen alten mann auß dem gefengnis für inen bringen solte/denselbigen hat er als bald selbst mitt eigener hand vff dem pferde erstochen mitt einem spiesse/vnd wiewol er gleich ist gestorben/doch damit er seinen muth ahm ihm fülete/hat er ihm noch sechzehen stiche geben.

Solche grausame dinge hat er fast innerhalb vier stunden aufgerichtet/vnd lagen die todte leichname nackend vff der erdē/nicht inn geringer abzale/vnnd da einer von des fürsten

fürsten trabanten dieselbige besah/ vnd Kame ahn dz Cammermeisters kopfe/spalter et denen von einander/vñ sprach/
 Erinnere dich was du mir gethon hast/ Vff dē abēd hat man
 die leichname alle vff einen hauffen getragen für die pforten/
 da man eine grosse grubē gemacht/ sie drein geworffen/
 vnd mitt erden verschorren hat/ Als aber der grossfürste von
 solchem mordt widerumb nach seinem schloß zohē/wädte er
 sich zue des Cammermeisters hause/vnd findet seine haus-
 frau/die ware schon/vnd fromm vnd inn grosser irawrkeit/
 vnd betrübnuß ob ires mannes todt/ Sie ware aber des
 Herzogen Ophanasij/dauon droben gesagt/schwester/ Da
 beuilhet der gross fürst/dz man ein rawseile von einer mau-
 ren zur andern spannen solte/vñ hiesse sie nackend vff dassel-
 bige setzen von einem orth zum andern zihen vnd grausam
 martern/vnd peinigen biß sie ires mannes scheße alle sampe
 ahnzeigete/ Als aber ire tochter von funffzehen iaren sol-
 che marter ahn irer mutter sahe / kundte sie sich schreiens
 nicht enthalten Da befalche der fürste man solte sie auch
 bringen/ Aber des fürstē eltister Sohne erhamert sich irer
 lieffe hinzue/ergreiffe sie beim rocke/vnd sprach zum vatter/
 Vatter ich bitte dich schencke mir diß maidlin/ich will sie
 verwahren/Daruff antwort der vatter/ So nimme sie hin
 aber darnach gabe er sie irer mutter widerumb/Nach dē er
 sie nuhn also hat martern lassen/ hat er sie inn ein kloster
 gethon mitt der tochter/Die weil sie aber mitt dem seile ist
 vbel zugericht gewesen/ vnd vnseglichen schmerzen erlitten/
 ist sie bald darnach gestorben/ Er hat auch des Cammer-
 meisters sohn lassen inn gefengnuß werffen/vnd ihm alles
 was er gehabt/genommen.

Ahn selbigen tage ist er inn seines fürnemsten Rats

Behausung kommen Joannis Wiskowati welchen er hatte
grawfamllich vmbbringen lassen / vnd hat sein weib inn ein
Kloster verstossen / Seine sohne aber zu ewiger gefengnuß
verdamt / vff einem festen schloß / Bialeicziuro dz ist / Weis-
fen sehe genant / vnd ihm alle seine guter genommen.

Vber drei tage / nach dem er solche grawfsamheit began-
gen / beuilhet er / daß man etliche gefangne vom adel vff den
marckt führen / soll welche als bald sind enthauptet worden
durch den Malotow / die sind lang vff der erden ligen pliez-
ben / vnd damitt er sein blutigierig gemuthe ersettigte / ist
er selbst vnder den leichnamen vmbgangen / mitt einer ax-
t inn sie gehawen / Sie sind ligen plieben sieben ganzer tage
biß die hunde sie gefressen / die beine aber haben die hunde
hin vnd wider vertagen / vber zwene tage hernach beuilhet
er daß mann 80. von derselbigen edeleuten / die er hatte ent-
haupten lassen edle frawen bei daß wasser bringen / vnd sie
erseuffen solte / vnd ob sie schon kleglich vnd erbermlich thes-
ten weinen / ware doch niemäd der sich irer erbarmete / wur-
den also von den trabanten ins wasser ohn alle barmherzig-
keit geworffen.

Im Jare 1569. sind hundert vnd fünfzig bawren vff
daß schloß Orlo geschickt worden daselbst ahn bawe zu ar-
beiten / da es inen aber ahn speise zerranne denn es war ders-
zeit inn / denselbigen ortern grosser hunger / vnd tewrumg /
wurden sie durch grossen hunger gezwungen einen auß is-
nen zu schlachten / vnd sich also selbst vnder einender zu
fressen:

Im selbigen Jare / da der großfürste selbst im schloß
Wolochda da er den bawete / ware / haben die werck leute ein
Kalb kaufft / vnd geschlachtet / daß sie essen hetten / Als
solchs

solchs der fürst erfahren/hat er sie alle fahen/ vnd verbrennen lassen/da sie doch die noch gnugsamhette entschuldigen mugen/ Es ist aber von vielen alten tharen bei den Moscos wittern vnd Reussen ein solcher aberglaube/ daß sie es fur ein grosse sünde/ ia ein hoch streffliche tod sünde achten ein Kalb schlachten/ vnd dasselbige essen.

Es hatten sich hundert vnd fünfzig waidlicher mensner von Moscowitern auß verdrussikeit ircs fürsten vnd seiner trabanten Tyranei/verglichen/ zum König auß Polen zu zihen/ Als aber der großfürst solchs erfahren/hat er sie alle zumal inn eine tieffe sumpffige gruben werffen lassen/ daß mann vber sie/gleich eine brucken gehen mochte/ vnd sie so lang trettē lassen/bis sie im tieffen schlammne ersoffen sind/

Alm selbigen tage ist ein bawr zum Secretario des großfürsten komen vnd hat ihm einen schonen hechte bracht/ Solchs er sahe ein mōnche/der mit dem Secretario ein zeit lang vneins gewesen ware/vnd gienge als bald zum großfürsten/vnd sagte zu ihm/ Ewer Secretarius isset nimmer kleine/sonder allezeit grosse fische/welche er inn ewrē Sehen fenget/vnd pflegt sich damit bei seinen gutten gesellen frolich zu machen/ Da lesset der großfürst seinen Secretarium zu sich foddern/ vnd ohn einige verantwortung beuillet er/ dz mann ihm hende vnd füsse binden vnd inn den tiffesten seehe/werffen solle vn sprach/ Du bub der du hast pflegen so viel fische/ grosse/ vnd kleine zu fahen/fahre nuhn hin/vnd frisse so viel du wilt.

Wie der groß fürste seine leute vber
vnd vnderichtet dasz sie sich im
kricge gegen die feinde
halten sollen.

Cap. 23.



Es die Liddawer ohn-
versehens dasz schloß Boriko haben
eingenommen / vnd den pfalzgras
uē daruff sampt seinem weibe gefan-
gen vñ dem König auß Polen zuges-
schickt / Der groß fürste aber denen
bald hernach inen gegen einen Polis-
sehen vom adel ranzionirt vnd der
Pfalzgras mit sonst zweien vom adel auch Moscowitern
wiederumb in die Moschow kommē / hat der fürste die vff-
nachuolgende weise lassen vbringē / Mann hat drei holzer
odder seulen vff dem marckte mitten vffgericht / darahn sind
sie mit stricken gebunden worden / vnd hat er mit seinem so-
hne in sie geschossen / vnd gesagt / O jr dapfere mennen /
also sollt jr meine hewser vnd mich verteidigen /
Darnach haben seine trabantē alle derglei-
che gethon / bisz die leibe so voller pfeis-
t. gestocken / dz mann sie nicht
mehr hat sehen mügen.

Wie

63.

Wie Der großfürste seinen schmei- chleren pflegt zu lohnen.

Cap. 23.

Als die treffliche dapfere für-
sten vñ herrē herr Dzyphas Scerbats/vñ herr
Görg Boratinski sind geschickt vnd abgefertig-
get worden die festung Susa zubeschützen/ sind
sie von dem herzogē vnd obersten der Lidawer inn einer
schlachte/darinnē viel Moscowiter vmbkommē/ gefangen/
aber bald hernach durch andere gefangne/ Rantzionirt wor-
den.

Welche als sie widerumb inn die Moscha kommen/
der großfürst mit freuden empfangen/ vnd ahn seine tafel
gesast/ Nach dem mittags imbes/ hat er sie mit Stadts-
lichen gaben verehret/ Nemlich einem ieden eine sammete
schaupe/ mitt den besten zobeln gefüttert/ vnd zwene schöner
weisser hüte/ Vnder andern dingē aber die er mitt inen redet/
te/ fraget er was doch inn Polen /vnd inn der Lidaw für ein
wesen were/ Daruff Antwort ihm der eine herr Dzyphas/vñ
sagt ihm stracks zue vffrichtig / vnd mit gutem glauben / als
les was er gesehen/vñ erlernet hatte/ Aber der ander Geor-
gius Boratenski heuchlete/ vnd redete was er vermeinte/ dz
dem großfürsten wurde ahngenehme sein/ vñd vermeinet
ihm einen fuchs schwanz zu verkeuffen / mitt dingē / so da
der warheit nicht gemēß waren/ Sagete vnder andern.

Groß mechtiger vñ vñwberwindlicher der Moscowiter

J 4

Keiser/halte es gewiß dafur/wann der König auß Polen
 hören dz deine kriegsleute vff den grenzen streiffen/das er
 sich darob hefftig tuth entsetzen/vnd suchet wo er sich hinem
 müge verbergen/Da hat der groß fürst bald vermercket das
 es ein heuchelei mitt ihm ist/vnd gesagt/So höre ich wol dz
 sich der König auß Polen für mir fürchtet/Antwort er / Ja
 durchleuchtigster fürste es ist nicht anders / darumb wenn
 du ein gewaltigen hauffen wirst inn die Liddaw schicken / ist
 er nicht so küne/dz er sich mitt dir schlagen dürffe/ Sonder
 wirdt als bald fliehen/vñ sich etwa inn seiner festungen eine
 begeben/Dann er ist die mitte macht/vñnd festungen mitt in
 chater zu vergleichen/wirdt auch deiner gwalt nicht kunder
 widerstehen/sondern vñden ligen / vñnd die fluchte geben/
 Nach dem der fürste/ Disse erdichte reden/wol verstanden/
 das sie ihm zu gefallen weren fürbracht / haben sie inen vers
 droffen/hat derwegen den kopfe darüber geschüttelt/vnd ges
 sagt/ O du elender König/es ihamert mich deiner dz du dich
 für mir also sehr fürchtest/dz wenn du mich mir hörest nen
 nen/gedenck est zu fliehen/so ich inn die Liddaw wurde kom
 men/Darnach hat er den Boratinski also ahngeredet / O
 du leichtfertiger loser mann / iesund merck dich deine leicht
 fertigkeit vnd lügen/ Name als bald seinen stabe / denen er
 pflege zu tragen/vnd schlugen inen omb den kopfe/vñnd rus
 cken/endlich omb den ganzen leibe damitt ohn ahngesehen/
 dz er einen solchen städtlichen rock anhatte/ denen er ihm ge
 schdenck hatt.

Der arm Boratinski aber wendte sich von einer seiten
 zur andern/vnd sagt / Durchleuchtigster fürste/ Gott welle
 dich lange zeit gesund sparen/vñ dz du nicht schlegst ist mir
 lieb/dieweil du mich armen/vnd geringe menschen zu züchtis
 gen

gen nicht verschmehest/ich hette nimmer meher kundē meis-
ner gefengnuß erledigtwerdē/ohn deine hulffe/ Nach dem
ich aber auß der Lidawichen gefengnuß bein erlediget/ habe
ich mich zu dir verfüget. Der großfürste aber liesse nicht
ab zu schlagen/vñ erholen zum offtermale disse wort.

Nuhn erfahre ich/das du ein loser verlogener lecker bist/
vñ ein schmeichler. Hat inen derwegen so lang geschlagen
bis der stabe inn kleine stücke zerbrochen ist.

Was des großfürsten ahndacht vnd Religion ist.

Cap. 29.



Wann der großfürste
inn seinen pallast inn der festung
Alexandrowa/so zuuornehe die so
herlich ist erbawet wordē Slobod-
dam geheissen / pfiaget zu kommen
Nimbt er sich einer neuen vnd
sondern ahndacht ahn auth erste-
lich eine schwarze Monchs Kap-

per ahn/vnd volget ihm inn dem selbigen sein gang hofgel-
finde/darzue denn solche kleider sind bereitet.

Seine trabanten aber sind bereitet alles das ihenige was
inen beuolhen wirdt zunerrichten / Da geht denn der groß-
fürste mitt seinem houegestude inn den Tempel zur metten
vnd andern ceremonien so die Neussen pflegen.

¶

Sie sindt aber mit einem riemen umbunden/ darahn hangt ein masser/ in den hendē habē sie eine leuchte/ darinnē ist ein brennede kerze/ Wenn aber ein hofthiener solche fleidungahn zuzihen sich verweigert/ streichen die trabanten des fürsten denselbigen ohnbarmherzig mit ruten/ Disse nennet der großfürste alle zumalen seine bruder/ vnd beuilhet inē dz sie inē auch also nennē müssen/ Disz ist der Moscowiter bruderschafft/ Wann dan essens zeit ist/ langt man iedē sein essen/ Dem großfürstenahm ersten inn einem festlin/ als dem fürnemsten bruder/ vnd also hernach einem ieden nach ein ander/ vnd nimpt ein ieder seine speise inn einem festlin.

Auch gibt man iedem sein ahntheile trnickens/ Nach gehaltenem imbs/ geht ein ieder mit seinen messern/ vnd festlin inn seine zellen/ dann solch Palatium ist aller ding wie ein Kloster gebawet. Nach verrichten aller solcher ceremonien/ vñ gebeth/ gehet der großfürste als der fürnhemste bruder ahm ersten auß seiner zellen/ vnd befihcht etliche gefangne so zum todt verurtheilet sind/ auß den gefengnüssen herfür zu bringē/ da werden als dann dieselbige vff mancherlei weise getödet/ eins theils ahn die stöcke gebundē eins theils ahn die redder/ etliche geköpft/ andere gehangen/ viel zu stuscken zerhawen/ vnd in wasser erseuffet/ vnd so lang er des orts pleibet/ werdē teglich zehē odder 20. vnschuldiger vmbgebracht das für gestancke von den todten leichnamen niemandt kann der ort wandeln / Sihe disz ist die fruchte der Moscowiter ahndachte/ vff solche weise heiliget er seine Religion/ vnd dieweil die kinder sich nach den vettern pflegen zu arthen/ hat er einen sohne/ der ihm inn aller grawsamkeit nachvolget. Dann derselbige pflegt von lust wegen vnder solchen todten leichnamen spaciren zu gehen/ vff die zu tret-

ten

ten vnd mit seinem stabe ire köpfe zuerschlagen / odder die spizen des staves inn die gehirne zu stossen / sprechend / ir böswichter habt euch vnderstanden widder ewren Keiser / vnd fürsten / vnd mich zu setzen.

So offte der großfürste in dasselbige hawse vñ seinē Pallast Alexādrōwa kompt pflēgt er saciner fürstē / herrē / odder Kesthe einen zu sich zu laden vnd beruffen / helt es ein ieder dafür dz er gewißlich sterben müsse / vnd werde nimmermehr wiederumb lebendig zu hause kommen / Darumb nemmen sie wenn sie wollen hinwegziehen / von iren weib vnd kindern irē abschied / vnd verordnen alle sachen / als wenn sie nimmermehr wiederumb zu inen kommen wurden / Das geschicht auch / Denn wens Gott nicht sonderlich versihet / odder ein vnversehener falle verhütet / ist es vmb sie geschehen / odder begegnet inen etwa hernach ein grösser vnfall / wenn sie vnuerleset wiederumb von ihm kommen.

Also hat es einem fürnnehmen mann / mitt nahmen Theodoros gangen / Derselbige ware kurz zuvor beim König auß Polen als ein gesandter gewesen / Nach dem er von der legation wiederumb kommen ware / hat inen der fürste mit seinen edelleuten zu gast vff dasselbige hause geladen / wiewole er aber nicht gerne dahinē kame / iedoch stellet er sich vff den bestimmten tage mit den seinen daselbst ein.

Da wurden sie wol tractirt / vnd begabet mit köstlichen kleidern / mitt zobeln gefüttert / Aber vff die strasse da sie mussten widerumb zu hause ziehen / hatte er seine trabanten bestellt / vnd inn dem sie vermeinet das sie sicher weren / vnd sich nichts besorgeten / vberfallen sie dieselbige trabanten / berauben sie / vnd fürnhemlich den legaten / lassen sie darnach nackend wie sie von muter leibe kommen waren hin ziehen.

Es ware aber derselben zeit ein harter winter/vnnd grosse
 Kälte/vnd dieweil inen auch pferde/wagen/vñ alles/genoms
 men ware worden/vnd zu fusse gehē mussten/bis in die Statt
 Mosca/sind etlichen die ohren finger/nasen/vnd zehen abges
 frohren/Etliche vff der wege gar gestorben.

Der Legat aber hat ohngefahr von einem bawren einen
 geis belke bekommen/damitt er sich so vieler kundte behol
 ffen/Also ist dieser legat von seinem fürsten entpfangen/
 begabet vnd darnach verspottet/vnd verunehret inn
 die Stad Moscha kommen/Gleich wie der Ty
 rann Nero hat pflegen mit denen/die
 vmb inen wol verthienet gweseu
 sind / vmbzu
 gehen.

* *
 *

154782

AB: 154782

ULB Halle


3


001 536 176



sb-796








9

le Etliche Historien.
Von des ietzigen Groß
fürsten inn der Moscha Johan.
Basiliadis grausamer
Tyranny.

* *
*
Aus der beschreibung Sarmatiæ Europææ Alexandri Gu-
guini gezogen vnd verteutschet.

Mitt einer Vorrede.



Getruet in der Key: freyen Reichstatt Speir/
Bey Bernhard Dalbin.
M. D. LXXXII.